

同安縣志

卷二十七 二十八

菟文(山) 菟文(中)

同安縣志卷之二十七

藝文

文以載道此攷獻者必先徵文也而惜乎邑自  
蒼鵝銅馬蹂躪頻仍蕩析離居飄零鄴架安能  
於池灰黑處重尋書味之有三哉然殘鱗片羽  
猶未盡泯人間今蒙

國家養士百數十年石室名山又漸多筥笈其有  
關於吏治民風者悉採而登之而流覽山川憑  
弔古蹟者亦附載焉以昭風雅之遺志藝文

著述

唐陳昌晦裨正書三卷

宋蘇紳文集奏疏

蘇頌文集七十二卷

略集一卷

渾天儀象銘一卷

本草圖經二十卷

邇英要覽

石賡文集

石亘漢唐名臣奏議五十卷

許權文集

同安縣志卷之二十七

藝文

道德本也文藝末也故文章必取乎經濟道德  
蔚爲國華宋元明以來如蘇魏公邱鈞磯林次  
厓輩或以勲猷著或以理學稱而且紫陽莖仕  
之邦又多著作抑亦盛矣方今

聖天子嘉惠藝林邑之名流碩彥多有撰述茲之增  
光梨棗者不特民風吏治攸關卽風雲月露之  
詞亦採而登之以見多文爲富焉志藝文

同安縣志  
卷之二十一  
著述

唐陳昌晦神正書三卷

宋蘇紳文集奏疏

蘇頌文集七十二卷

略集一卷

渾天儀象銘一卷

本草圖經二十卷

邇英要覽

石賡文集

石亘漢唐名臣奏議五十卷

許權文集

許升孟子說

禮記文解

易解

朱氏傳授支派

王力行朱子傳授支派圖

文公語錄一卷

黃萬頃筆苑五卷

詩文集

薛舜俞易抄詩書指文集共三百餘卷

陳洽遺稿數十卷

吳燧彈劾數十卷

許衍田舍墨記四十卷

石起宗經史管窺

林同銅魚集

呂大奎論語集解

孟子集解

易經集解

學易管見

春秋或問

春秋五論一卷

春秋要旨十二卷

邱葵易解疑

書義

詩直講

春秋通義

禮記解

四書口講

經世書

聲音既濟圖

周禮補亡六卷

周禮定本三卷

鈞磯詩集一卷

明黃偉海錄存集

林希元更正大學經傳定本

四書存疑

次崖文集

易經存疑

楊朝幹詩經集覽

張應星四書大略

易經管窺燈影

劉汝楠白眉子存笥稿

洪朝選芳洲摘稿

歸田稿



繞州田稿

劉存德結發堂遺稿十卷

李春芳白鶴山存稿

許開滄南集

邵應魁射法詩稿

林叢槐明農集

洪邦光三則要言

池浴德空臆錄

懷綽集

李如王周禮會註十五卷

葉明元國語詳註

左國列傳

檀弓註

陳榮選四書旨

易旨

禮記集註

書經解

南華經註

道德經解

蔡守愚百一齋稿

明倫寶鑑

水經註抄

藝林標準

黃文炤道南一波

兩孝經

理學經緯

仁詮

太極圖解

南臺志

九日山志

蔣孟育文選崇正編

文選來奇編

臺閣文憲選粹

駱丞文抄評林

蔡獻臣清白堂稿十七卷

筆記二卷

同安縣志十卷

仕學潛學講義

四書講義

蔡復一遯庵文集十八卷

詩集十卷

駢語五卷

續駢語二卷

楚憲錄六卷

毛詩評一卷

林應翔止崑存稿

許獬四書合喙鳴十九卷

易解十卷

叢青軒集六卷

劉夢騶天馬更生集二卷

李滄溟集註釋

劉夢潮易義畫前稿

孫子十三篇註釋

葉成章柱下奏疏二卷

宣雲奏疏十二卷

矜疑錄一卷

宣雲書鈔一卷

敬繇錄一卷

檄文二卷

陳如松蓮山集

學庸解

老來吟

林志遠歷代史白

洪受四書易經從正錄

滄海記遺十卷

范方歷代史評

秘書七種

池顯方晃巖集二十二卷

南參集

玉屏集

澹遠集

李杜詩選

張權蕤對草

家乘引考

盧若騰方輿圖考十一卷

涪洲節烈傳二卷

紀文疇史勺

復書

紀許國广史三卷

焦書二卷

名山集

拂塵集

葉后詔五經講義

鷓鴣

梁岐超史評

國朝李其蔚秋懷集

磊園記槩

至見錄

劉望齡自訂篇

陳睿思可園詩文集

林霍滄湄詩集

滄湄文集

雙聲譜一卷

學韻一卷

周奇炤躬行堂詩文集

鄭得瀟五經通義

易研

文學指南

史統

人字圖說

蘧廡近吟選

黃濤性理質疑

在阿堂試藝

文川家禮

阮旻錫四書測

談道錄

讀易闕疑

續佛法金湯

粵滇紀略

聞見錄

唐人雅音集

唐七言律式

杜詩三律

夢庵長短句

清源會詩篇

同和東坡韻詩

幔亭遊稿

燕山紀遊

慧庵倡和

輪山詩稿

韻選

金剛經說



陳常夏課兒家乘

江園詩文集

張贊宗史評

咏古集

澹若齋前後編

井桃集

蝸音集

餘狂集

蔡驥良日閑齋稿

水餘集

周奠邦易說

歲鑑

史匯四卷

恕醉集一卷

葉壽晟四書解

易解

他其繩史眼

詩緯

四書講錄

三極藏書

求齋別集

張對墀同江集十二卷

陳可遠大易參訂

朱子綱目詳論

周禮訓解

禮記定本

宋四家詩評

澗香編

莊天能未齋集

粵遊草

陳臯周易標旨

葩經纂要

輪山有真稿

愧雅軒集

鶴崖後稿

劉蔚後村文稿四卷

外集二卷

四書臥薪集七卷

劉寶玉更炊草

愛霜篇

許琰寧我堂集

瑤洲文集

陳倫炯海國聞見錄

林君陞自遣偶筆

舟師繩墨

救荒備覽

張星徽歷代名吏錄四卷

天下要書十八卷

春秋四傳管窺三十二卷

先儒精義會通

九十八卷

評註戰國策十八卷

湖山詩文稿

黃而輝訥園詩選

林翼池鷺洲拾草

來鳳縣志

康亮經學明辨二卷

史記衷平四卷

論史句言四卷

郭道本尚書因悉六卷

左傳彙編四卷

黃成振四書存要五卷

學庸存要補篇二卷

日光巖詩一卷

九閩賦一卷

莊科達古文自得二十四卷

經史詮釋二十三卷

王高立毛詩小傳十六卷

葉晴峯閩中詩話

宋詩論世

釋宗標語錄八卷

賦

大同賦

池顯方

昔長卿賦上林而盧橘夏熟事多不實太沖  
賦三都而攷蹟岷邛乃敢搆思兩都兩京甘

泉長楊率皆天子之事易於揄揚故王龜齡

賦會稽假舜作重夫賦風俗也奚以假爲余  
賦同安設爲問奇客卿莊言公子鷺先生相  
答問之辭問奇者訪奇蹟也莊言者感觸而  
重言也鷺先生者水鄉之可羽儀者也雖文  
采固陋用攄所懷爾其辭曰

有問奇客卿過同安介莊言公子請見於鷺先生焉  
坐定鷺先生睇視而曰曰客之神流意遠其將質以  
寰宇之事乎客曰僕不敢遠請也僕溷於細帙雅趣  
喜遊慕司馬子長歷江淮過龍門其文益跌宕奇崛

茲從九仙山西南行至大輪見山水迤邐峰巒秀媚

其所鍾靈必多怪瑰不知同之山川人物古今風俗

君肯為一開陳之乎鷺先生曰唯唯余同人也安敢

不識同事乎同之分野次在星紀隸於女牛貞元為

場天成益稠延鈞升為縣治閩王審知子升大王軾

固其城猷王軾宋紹興縣令嬰堞若帶而峻岌濬隍若谷而

澌流署寓膠葛而陵漢署官署寓屋也膠葛廣大貌市塵雜杏而

成郵駭枳振之燾鼻枳振屋宇端也燾鼻高峻深邃貌嗶芬椽之離

芬椽也椽椽也離樓也木相倚貌西南詫為雉鎖海島恃為咽喉

其山則歲窳狉鬢屹嶸嶒崿峻嶒嵒峯

嶂額兀懸磴鬱肆

俱山高  
危貌

其趺然遊者若削豸其擔

然起者若驟鷗或駢羅若博臬或峭聳若象笏或戕

忽墜或平忽突發脈大尖綿亘東來承以三秀崱峿

崔嵬石榻禪牀巨跡封莓

石榻禪牀巨跡  
皆三秀山古蹟

透迤北廓

五蘆屏開

五蘆  
山名

左輔則羣巘環列躍馬舞蚪大輪透

迤而折衷羅峯攢翠而聳浮九躍蜿蜒而噴嶬孤卿

盤紆而鬱瀆

大輪羅峯九躍  
孤卿皆山名

右翼則五虎西嶂丹崖

嶮巖蓮花絕翕而織縟夕陽峭菁而崑嶽文圃蘸筆



於雲表苧溪帆影以朝移

五虎蓮花夕陽文  
圃苧溪皆山名

至若天

馬獼狶雙髻嶽刺爲離几兮吳淮峯嶸龜洋蹲踞爲

坎址兮豪山有禱雨之蹟羅漢有修真之巖蘭谷結

庵於斗拱輞川刻畫於鳳嵐登香山而慕清卿兮驚

乍畫之峻嶒過御石而思帝子兮恍福船之宏砥濱

海華圃文士之所宅兮真寂禪寺宜邨之所凭兮

天馬

雙髻吳淮龜洋斗拱鳳嵐乍畫福船俱山名獼狶天

馬行空貌蔡刺山高而相戾也洪濟山有羅漢修真

之蹟蘭谷道人結庵斗拱山鳳嵐大鳳山也朱元晦

咏鳳山云依稀全是輞川圖香山先賢少卿宋守基

在焉御石宋幼主避元兵會踏此石華圃係謝脁兄

弟讀書之所真寂寺在夕陽山唐宣宗居邨時會寓

此諸事  
詳志中  
爾其川澤則灑灑濫濫淅淅涓涓水激流貌沈溶

灑灑水流聲瀆瀆廣疾流貌激沫連珠飛泉流渟安溪

縣為西派之所分羅山山名為東源之所發歷長興合

會溪俱地名宛潭膠盭宛轉流貌批滯衝堤滇澗森漫會於

銅西右出竹山之坑折為湖上之灌竹山湖上俱溪名灌音瑾深也

灑漶瀆薄轉抱縣采芎川小同芎川小同溪名遠逝歸匯沙

溪林埭砢砢砢砢波急流也赴海其陂則有齒梅碌磧赤竹

經冬龜輦崇勝龍潭五峯俱陂名南東疆理儲水潤農

其塘則有普慈聖果崑崙浮鳥小鯤三會鹿苑李湖

俱塘名 淨焉如練波焉如瀘開竇決渠溝澮盤盪沃壤

新畚旱潦無虞其埭則薛鵝長春龍窟小崎高林連

坂光孝泥沔俱埭名泥沔泥汙貌火耕水耨其笠糾斯引清洩

鹵桔槔不施南薰輕織翠浪離披諸名如麻諸勢如

碁屈難窮指書豈盡詞至若眾壑委輸滄溟為會繞

乎金鞍山名之表漲乎寶蓋山名之外星錯砥流羣嶼縈

帶二擔二嶮俱山名鎮於深瀨南北泰武山名水蒸雲靄

奇衍禾山甌錡傾貌蕩颺靜鏡激灑扶桑若帚極目

萬里湛灤踈汙水前卻聚騰之狀浮鷗天際狎翫釣叟蘋末

颺濁浪厖拍淵深

浪聲起貌

灌濟

泉波聲

拍空迷斗天英

元艣舸雲棹靈若遊之而徜徉河伯駭之而負醪

君夫穀種則有安南新畱之春宜降來山香之秋益

俱秬名

麥有大小麻有黑白粟菽黍稷蔽畝充場可釀

酒醴可御賓客具木則岡松鬱鬱陵栢青青柯樸椶

櫚椽楛榕檉枕榔相思棗檜檀荆

俱木名

蓀茂楠梓蔥

芊杜英遊絲曷曷席蔭蕩蕩槎枒連卷輪茵飄縵

縵絮絮

也盛

布葉馭蔓挺幹慘檣

長木也

迎露靄靄

露重貌

從風莅

鏗木從風作金聲也

其竹則苞綠盤蒼篁橐筠引敷蓋摩空

偃龍吐屨風韻錚臆兩音滴楯埒干畝於侯封開三

徑於蔣尹

蔣詡事

其果則橘柚餘甘黃彈菩提

俱果名

菱

角玉蘊蓮房粉低平蒂蜀柑含消漢梨

漢武帝園有含消梨

龍

血李

也 李也 神

嚼之神爽青門

瓜也

錦里

栗也

剖焉意迷批

杷為綴樹之金石榴為沁齒之梨陳紫

荔枝

薦驪珠之

艷翠穎

橄欖也

羅霜苞之萋野藪則蒼蒿茄瓠油蕨芥

壺

俱菜名

溪毛則紫菜石花赤蕘芹菰

俱菜生水中者

膾霜滋

露種種可需任土所麗佐鮮充廚至若名園奇卉則

有芍藥翻艷芙蓉滴紅月桂清芬籬菊霜戎麗春夢

雲辛夷書空海棠標韻水仙迎風薔薇浥露而噴香

朱葵傾口而朝東含笑似射雉之賈妻合歡非剖蛭

之唐宗藥草之產尤爲難名紫蘇括樓蒼耳黃精蕘

苡射干蒨冬南星石蠶半夏甘菊金櫻山梔地骨香

河決明銀花皂莢菖蒲藍藤俱藥名澹澈中邪類濯外

榮伯休鬻之以市隱安期服之而長靈羽屬則有紫

燕白鷗提壺啄木文雉竹鷄釣魚布穀百舌畫眉斑

鳩野鴛俱鳥名集谷拂霄巧囀鮮翮隨波水禽則有海

國鷺鷥鴛鴦鵝鴈鸛雛徙翡翠垂榮浮沈翻浴淋



吏事之賁者爲人倫之冠者爲閭閻之異者探理義而躬行者尚節槩而篤至者發光於耕釣之流者寄

迹於禪元之祕者既欲尚論始爲品置直諫則陳綱

瀝膽於採茶許衍扼腕於攬戶吳祕書之櫻鱗名燧李

給事之干怒名獻經濟則林棐停驂於行河曾祕叱

馭於秀麓黃萬頃陞對馬政而民蘇石起宗禁寬鬻

鹽而人服楊仁甫之異政流香名逢春傅國鼎之威風

振肅名鎮孝行則蔡挺卿割股事親楊氏女取肝進父

爾來尤多不可殫數死忠則守邕之蘇緘全家委土



死孝則給賊之弘綱

姓張

父弟免虜死義則葉秉乾不

屈於沙賊胡有耀慘戮於戊午儒學則演脈晦翁許

王餘韻

許升王力行

或恬澹而無欲或力行而善問邱鈞

磯

名葵

之解義博洽聲聞林茂貞之存疑

名希元著四書易經存疑

接派泗汶循吏則昆弟二薛

薛舜俞舜庸

或用奇賑荒或

革例輸錢前後二許

許巨川伯詡

或惠政見頌或撫摩稱

光南豐借畱有吳伯全之澤延

伯全即子斌

粵東遺愛有

陳以中之名聞

名道基

廉吏尊則宰輔蘇頌器局宏遠

舉則訓導林同禮節拖損周源之囊橐蕭然陳洽之

例券卻返文章則二石抽句瓊葩

石慶石亘

二謝摘詞珠

藻

謝脁謝修

許權宋宜絢春華而苑媚蘇紳石蕢濯錦浪

而岐倒又有劉孟木之英聲

名汝楠解元進士

許子遜之魁

名

名獬會元

隱逸則文圃豹隱於洪公

名文用隱文圃

金榜龍潛

於陳翁

陳黯居金榜山

貞烈則吳康完節林葉堅矢莊氏為

閻閱之光

莊氏進士李一陽妻

張氏為武弁之美

張氏千戶孫榮妻鄭

高母之皎皎如霜

嫁於高祖池宗寶守節至八十歲十月庭花盡開人以為晚芳之報

兩院為建坊云

林三娘之凜凜自雉重以蔡別駕之妾水清

梧州府通判蔡宗德妻楊氏

宋隱山之子投冰又有趙陳二女甫

醮而死史載朝旌琬琰難紀緇流則笑堂寄味於活

江黃蘗畱詩於瀑布

俱詳志中

覺光之斷臂建刹

僧覺光斷臂抄

化修普

惟慎之孤雲潔素

惟慎禪師住羅山對曾公亮曰敢言知己少性本類

孤雲羽流則冲虛大師居觀而清修

陳以文居天慶觀慶元間賜號守素

冲虛大師栖霞真人置金而不顧

詳志

又有佛岡黃尼戒行

高曜開元法周章服賜詔俱未笄而持梵堪媿名乎

靈照

黃尼居佛子岡人稱黃佛法周姓王八歲出家開元寺三應詔咸稱旨賜章服

起自唐

宋迄我昭代濟濟獻哲汗牛充載世遠人湮史籍猶

在或輝煌於甲第或鐫刻於鼎彝我觸類而凭思嗟

蒼狗之異態同之山川人物斯亦可採至鄉舉里  
荒陬玫瑰難一二以言槩公子在旁冷然笑曰君之  
腹藏二酉窮石渠卽虞淵賜谷之勝鑿齒雕題之墟  
周禹貢所錄郭璞所書君固可肆成都之舌而騁稷  
下之餘也至若巨鎮孤島兵火所殪慶歷培養生齒  
繁隸冠蓋驥軒摩肩連髻賈貿紛錯士女靚麗通犀  
玳瑁取諸海澨煮水鑄山魚鹽若薺斯皆前代之所  
未集而堪輿之所未逮者也君亦能詳計之乎鷺先  
生倏爾侘傺曰余生聖世芸窗一蠹水鄉蛟穴實所

未覲君請爲客一申數之也公子曰余亦非能外君

之言也君稱泰武是爲浯洲廣袤五十爲奇十二蘸

月池晃眠雲石翠擗眼倒影諸勝俱備天鴈遠鴈雲

鶴展翅浮屠逢景而託情卽僧樵客臨山而增思許姓

題咏盈崖殘碑畱誌其東風沙若霰民窶俗樸漁火

滿江波熬雪漉輪鮮四馳厨膳利渥其西家習縑素

人握靈蛇袞袞萃宴燐燐宮花次精法律蕭曹名家

又有嘉禾彌迤鷺門鷺門嘉禾出別名洞天迥異自闢乾坤

突起洪濟古德蹟存南陳也薛桃李成村陽臺雲鎖

金榜虎蹲五老巖薛釣磯潺湲洞鶴嶺子晉吹

地靈人傑科甲雲屯或如芝草之驟起或如星海而有源諸奇種種臨眺奪魂邈其所鎮江夏肇功藩以二寨星羅艤幢倭夷流賊戊午內訌趙武略教死於海上吳昭信虜禦於玄鐘窮追曾酋機始通旁達西洋商舶四窮冬發鷁首夏返梓櫳朱提成嶽珍巧如膏醴醖如淮肴品若嵒俳優傳奇青樓侑觴蛾眉織膩綦履輕躑颯纏要紹七盤鵠翔買眼拂袖燭滅滓香流連兮財盡薄命兮花場權使橫索其貨物虎

翼私剝而盈箱客卿曰公子之言似若有感鷺君之言盛矣悉矣古來山川混混湧茁人物濟濟何不見於春秋而獨盛於今日耶豈往昔陬坵化工未遑而景蓮之徒質耶抑蟬鳴蟋吟造化不能違時而出耶抑唐陶宋鑄必至茲累培而後實耶鷺先生曰君言信矣同之司牧隋唐以前無考矣逮至元符有令黃琮惠政入民故其風操身則峻爲吏則循又有孔君公俊宣聖令裔崇直學宮政蹟罕儷故其俗多絃誦之風而成詩書之世有啜石子重蠲民歲租故其風

宦多勛猷而丰裁獨殊有簿方士端得盜棄賞故其  
風豪俊拔俗而廉慎倜儻有尉蕭里赴義如欲故其  
風士多力學而行則馴篤 國朝迄今二百餘年前

有時王

時執亮  
王琬

後有二張

張遜  
張侯

頌德之碑長在卻金

之亭猶芳其餘祠宇層疊俱燦繡緗客鄉曰斯皆一  
時之澤製錦之手寧無仰之爲山瞻之爲斗而以學  
裕後乎鷺先生曰子欲分治教而二之也昔有訓導  
章文持重行臧又有教諭陸佶誘掖有方率我多士  
飭我文章典則不浮甲於閩鄉若是何如客卿曰斯



乃磴磴言行徒斤章程請問其闡先王之道伸萬世  
之經演心宗於洙泗炳斯文若日星者驚先生曰昔  
有婺源元晦來簿是邑吏事勤敏黠首安輯學專身

心庠序是急訪求徐王

徐應中王  
賓皆進士

以端士習推崇魏

公

蘇魏  
公

聲教沁入流風餘韻人爭樹立習俗由靡而

入淳士行任眞而去飾東鄙地磽而勤朴西陲好剛  
而自克紫陽遺教萬古未昃若是何如客曰至矣盡  
矣蔑復請矣然觀同之歲時風俗元夜則火樹燿爛

笙歌入雲羅綺曳錦油車氤醞端午則飛鳧競渡奪

標權紛七夕乞巧於吉璘重陽落帽於參軍舍布褐  
而爭艷冶去文字而醉紅裙俗尚淫侈大異所聞鷺  
先生曰燃明始於漢祀龍舟因乎楚鄉月宇遊於法  
善登高啓自長房斯皆前人遺事寄趣樂場用節伏  
臘之苦用消瘴疢之殃是何妨於理義亦何關乎綱  
常莊言公子曰我之所憂不在於此文明太盛人情  
漸靡交混水醴誼翻雲雨行事多屬幽隱文章爭爲  
奇詭毛嫵可突犖糜可美勢重於文目賤於耳茅屋  
如冰豪門如市荏苒之聚頗多庚癸之呼未已不亦

上卷六 九二二

生緯發之憂而流賈生之澤也鷺先生曰子言太激

吾聞俗雖中靡可以教興今 天子湛思求治振濁

揚清顯揀賢令廣撫黎萌編示正俗競持廉貞修塾

課士發倉恤惇天應靈雨於三日地茁瑞芝之三莖

庚戌春後衙生芝一莖辛亥生芝一莖壬子夏又生一莖皆紫金色 鳴琴化普醇風復

行有何雲雨之不散而蜀路之不平乎客卿公子沈

酣斯語振輶勒鞚逡巡而去鷺先生客退無事弄梅

花而飛觥盼白雲而箕踞

大輪山賦

周奠邦

緝輪山之勝槩爲海外之巨觀由三秀以發軔指五  
蘆而盤桓恍駕輶而就熟乃同軌而舉安宜名賢之  
仰止俾後進以登壇彼其羣峯競輳如輕如軒如并  
其轡如俯於轅或專車而危坐或參乘以驅原雖羅  
漢之有像效僕從而無言爾乃精舍錯落殿宇輝煌  
寺爲興教肇自隋唐乃歸儒而逃墨爰過化乎紫陽  
發高吟於方丈垂巨筆於門墻戒戰龍於松勢喟倒  
景乎瞻望況其靈湫澤遠奇石名聞麟不踐乎生草  
鳳豈雜夫雞羣龜長伏於莓苔肯藉榮於節稅龍弗

潛於淵海而永現乎煙雲踞層巒而體肖倚壘壑而  
形分尚金牛之別態亦負異而可欣爾乃振衣千仞  
之上縱目萬里之波齊蟻封於列島盼秋葉於輕舸  
天馬當驂而如舞美人延竚以顏酡九躍蜿蜒其讓  
路三魁縹緲而來過造物與遊天水無違行之象達  
夫同量邱壑豈自盈之科於是遠眺旣酣近郊可述  
萬家紛其置碁千畝比而如櫛百雉雖小抗大海而  
稱雄雙溪夾流數近橋而第一銅魚在渚而泳鱗金  
車導前而待蹕熙來壤往闔遵路而倚衡後應前呼

企絕塵之超軼洵憑軾之爲娛足踞轉而永日然是  
山也處乎天南聞乎上國微考亭之攸躋曷四方之  
物色卽今書院之最高猶覩石像而太息由先路之  
不逃故閑輿而有則嗟此棧樸之興不盡地靈之力  
今且以此海濱等彼鄒魯瞻泰岱以誕登豈峴碑而  
踵武良造頤指以長驅軾轍彌縫而爲伍執綏正立  
凝良止之定方大載積中任驟駁之靡盬不亦高軌  
之可師而芳躅之共覩也哉

銀城懷古賦

林 霍

蒼湄林子郭外潛行指山川之形勢歎紹興而始城  
伊昔全盛華屋充盈人無兵革之患家多絃誦之聲  
村墟鷄犬接乎郊坰式歌且舞樂我昇平其令尹之  
爲治也儼大國之尊榮蓮花西擢表玉井之瑞鴻漸  
東翔有羽儀之貴北乃三秀靈芝南實天閑上駟此  
環城之四鎮而大輪山之擁衛傷哉戊子年中曠古  
未經之變異若乃登高遠臨博稽前志夕陽爲唐宣  
宗遁跡之山龍窟乃宋幼主經過之地榜標金號陳  
黯之故居圃以文名謝脁之居第仙家董奉之基髮

鬚爛柯隱士釣磯之臺依稀嚴瀨生於是邑則丞相

蘇魏國宦於是邦則文公朱元晦銅魚繞雙溪之流

葫蘆映百雉之內自宋而後以迨有明聞諸故老封

疆長吏則譚侯著捍倭之蹟如曹方城熊夢澤並威

惠而廉能鄉曲少武斷豪強絕兼并先賢則林公理

學亞於蔡氏許公制義邁於宣城黃逸所之俗善周

子濬之風清蔡清憲之踵張襄惠陳莊江洪芳洲之

參王震澤唐毗陵近世則范計部燕都殉難葉吏部

北地捐生更有魯連士紳蹈東海而飄零論閭巷之



夫則葉公秉乾里賜忠義爲人所稱布衣則顏宏篤  
侍臣推荐徵士則黃文炤海內知名五十年前衣冠  
濟濟王國之楨爲士者文不俟於剽竊學咸本於六  
經亦忼慨而尚風節薄豪貴而重友朋文物旣替戎  
馬爰興嘉禾中左十八載之抗衡旌旗海艦浪滾風  
飄南北門戶溫台惠潮山則虎谿洞則萬石嶼則鼓  
浪而宏濟宜觀日出極扶桑之遙崩奔託處比於渡  
遼若峽江曾公綸扉碩輔華亭徐氏掖垣高標螺陽  
耆舊如玉吾卿孝廉有紀人倫之冠冕名士之楚翹

由烈嶼而東則金門咫尺監國魯王之宮光邦賈生  
之宅相過有會稽舊臣來遊多銅山名客北顧則太  
武巍然摩蒼穹而出乎萬頃之白嗚呼以兩島奇觀  
而此數公者雖顛沛而不悔凜千秋兮生色或登覽  
寓之編或紀世家之牧僕有橈里敞廬在大輪之陽  
西山茂林端平石室人煙接壤雲樹相望昔歲游好  
有莊有張痛庚子之駐牧桑梓幾乎龍荒我先人之  
艱勤剪荆棘而修屋墻辨土地之宜考種植之方由  
是舍南舍北漸有果樹兮青蒼耕田之數畝亦可足

乎稻梁境遇非一暫遊去鄉同小人之懷土時自顧  
而悲傷嗟乎山川不改雲物如常而世道有盛衰吾  
生有歡頓是以上溯前徽中及師友而終於昊天罔  
極之難忘

三秀山賦

劉紅葉

屹三峯以立地壁兩峽而函天源芹山而鼻祖基銀  
海以襟連柱植雖脫龍蜿鳳騫深藍晴鬱淺碧秋鮮  
垂紳正笏端拱邃縱俯仰卽離相讓宜然若夫角尾  
躔左木宿在東菁葱露頂翠玉攢穹火帝司令正位

居中少昊耀質同協和衷戴石爲燄覆釜藏鋒洪鈞

鼓鑄金火乘風近看有象遠視無踪皆能抽篁出笋

擲筆書空陵青霄而濯玉蘸雲墨而跳龍若乃百嶺

扶輪千峯稽顙天門遙通帝座高朗林無滯聲川不

停響綠華褊褌赤松來往或瀑而簾或尾而厰或牀

而匡或跡而想或跌而網或跛而杖或梳而奩或披

而擎或燒漢而如燈或升空而成掌或噴玉而爲花

或蟠蜿而爲蟒或舒舌而爲龍或蒙頭而爲魃是皆

奇存幻而逍遙亦有靈風來而舂嚶卽有降龍伏虎

唾獺驅羊椀椎織屨匏史傾壘瑤牀偃仰蛻迹徘徊  
祀來疊扣劉阮交來或扳丹以拂黛亦採秀而銜杯  
於是凭靈遴傑選俊登賢植花文圃釣石澄塵受書  
畏壘補袞平泉窮經存闕抗節繩愆騰譽雁塔馳聲  
木天鶴書之所召楓黼之所賓赴疆場而誓死履堂  
陛而垂紳才華磊落氣骨嶙峋是皆山靈之孕毓實  
爲海甸之佳珍欲載名而列姓難紀舊而書新要之  
天列三台宮垣並伸地挺三秀友朋相與爲邑之鎮  
爲仙之所登地輿而標尊列邑乘而軒舉或出雨而

興雲爰膏苗而潤黍拱極若三公之序班接天得一  
鼎之規矩伊數百里之望瞻實億萬年之封旅夫闕  
地山多同邦海迫列嶂圍屏眾峯樹鏑金鳥綬垂鷺  
江帶劈獨茲三峯藐焉寡敵運海得鵬障天摩壁以  
爲父子武穆文昭比之君臣左賢右戚藏藥漢秦假  
山轍軾過化存神紫陽畱迹有仙山名有聖地闢圖  
繪丹青垂芳竹帛

詩

再至同安寄民舍居

宋

朱熹

端居託窮巷廩食守微官事少心慮怡吏休庭宇寬  
晨興吟誦餘體物隨所安杜門不復出悠然得真歡  
良朋夙所敦精義時一殫壺殮雖牢落亦已非所歎  
縣學教思堂作

吏局了無事蠻舍終日閒庭樹秋風至涼氣滿牕間  
高閣富文史諸生時往還縱談忽忘倦時觀非云慳  
詠歸同與點坐忘忘庶希顏塵累日以銷何必棲空山

試院卽事

端居惜春晚庭樹綠已深重門掩晝靜高館正陰沈

披衣步前除悟物懷真心澹泊方自適好鳥鳴高林  
登閣

橫空敞新閣高處絕炎氛野迴長颺入天秋涼氣分  
凭欄生逸想投迹遠人羣終憶茅簷外空山多白雲  
同安官舍夜作

官署夜方寂幽林生月初閒居秋意遠花香寒露濡  
故園異時節欲歸懷簡書聊從西軒臥塵思一蕭疎  
其二

牕戶納涼氣吏休散朱墨無事一翛然形神罷拘役



署中豈非閒無論心與跡

秋夕齋居

西齋坐竟日曠然誰與儔感茲風露夕始知天宇秋  
庭樹且扶疎時物詎淹留心空累云遠歲月真悠悠

其二

公門了無事吏散終日閒涼葉何蕭蕭悲吟庭樹間  
琴書寫塵慮菽水怡親顏憶在中林日秋來長掩關  
與諸同僚謁奠北山

車陟修阪覽物窮山川疏林汎朝景翠嶺含雲烟

祠殿何沈邃古木鬱蒼然明靈自安宅牲酒告恭虔  
肸鬯理潛通神虬亦蜿蜒旣欣歲事舉重喜景物妍  
解帶憇精廬尊酌且畱連縱談遺名迹煩慮絕拘牽  
迅晷諒難畱歸念忽已騫蒼蒼暮色起反旆東城阡  
梵天觀雨

持身之苦節寸祿久棲遲暫寄靈山寺空吟招隱詩  
讀書清磬外看雨暮鐘時漸喜涼秋近滄洲去有期  
民安道中

祇役東原路晨風海氣陰蒼茫生遠思慄慄起寒襟

原野縣志 卷之二十七 三  
午泊僧寮靜昏投縣郭深拙勤終不補誰使漫勞心  
過苧溪

秋山有紅樹忽憶野田中禾黍收將盡氛埃晚欲空  
登原悲落景倚杖怯高風更有寒塘水應將此處同  
小盈道上偶成

今朝行役是登臨極目郊原快賞心卻笑從前嫌俗  
事一春牢落閉門深

遊梵天寺

傑閣翔林杪披襟此日閒層雲生薄晚涼雨遍空山

地迴衣裳冷天高澄霽還出門迷所適月色滿林關  
普照寺  
滕翔

海翻波浪遠危峯無盡巖前此界空不是灰心求佛  
者片時難住寂寥中

六月寓章法寺

邱葵

顏色入招提昏鴉已不嘯諸僧空院出老子獨山棲  
堂面無人過天形鎮日西宋寥應不恨吾道與時睽  
別城中親炙

不堪離亂後重別舊交游到處無青眼歸家空白頭

風霜秋一葉山水暮多愁後會知何日臨溪淚欲流  
出院門閒步

出愛前邨景歸穿薄暮烟鳥飛虛碧裏人在落紅邊  
近晚山容澹新晴稻色鮮殷勤一溪水清到院門前  
步院前溪

偶出山門去爽涼步淺沙谿流盤略約崖沫上槎枒  
野拓天圍大風吹日腳斜吟成無與語獨立數歸鴉  
月中與諸爻還沙溪

爲愛江頭月迴環宿鷺汀露濃如潑水天澹欲無星

樹色依山黑螢光出竹青夜深幽興極廖影自伶俜  
雨中宿章法院

瀟瀟一江雨涼氣入山扉離舍本不遠連朝亦忘歸  
紫荆成子落黑螳化蛾飛看盡浮生事終輸破衲衣  
寓浯江識老魏秀才

衡茅蕭索泣寒蟲獨自吟詩句未工敗葉能令溝水  
黑亂雲不放夕陽紅半生辛若空儒服一歲蹉跎又  
朔風不意窮鄉有奇事暮年得拜鹿門翁

章法院堂中清坐

到此人空法亦空  
跏趺獨坐夜方中  
清還風去明還  
月自己清明只在躬

同劉松江存德李刑部春芳登梵天寺高頂

明

劉汝楠

層臺高倚碧山岑  
圓寶虛明鳥道深  
世上驅馳資佛  
力區中妙覺見禪心  
摩巖苔蘚荒碑刻  
極目雲霞變  
夕陰咫尺諸天人  
境外下看城郭晝沈沈

普照寺

野寺前朝建空門  
大壑開鳴鐘霜氣動  
拂席雨華迴

石倚天星落江涵晚照來山中諸法侶塵劫幾成灰  
遊大輪山梵天寺

共有山中約還尋頂上行長林知暑退極浦見雲平  
石轉瞻亭字庵存畏壘名來遊千載後訪古若爲情  
月夕曾照寺對酒

華月蘸清尊虛庭露氣繁懸猿啼白壑歸鳥度黃昏  
樹色搖山殿江聲到寺門上方詩品寂永夜不聞喧  
登梵天寺次劉汝楠韻

劉存德

法界了無際迢迢望氣行言從仙子去坐見海雲生



斷壑吹靈籟浮雲遠世名應知塵劫盡惟有懷賢情  
次和少府丁少鶴遊梵天寺 王京

滄海波清吏事閒追隨鶴馭入雲山空堂聽梵心先  
寂石磴穿羅手自攀古木戰龍成物化夕陽飛鳥向  
人還諸天共倚青霄立風動仙衣月照顏

登梵天高頂

李春芳

賸有登臨興言從絕頂行雲中雙鶴下天外幾峯生  
篆古猶存跡苔深不辨名高山懷仰止落日倍含情

同葉君實郭奇琮二友遊雲頂巖留雲洞

洞宿孤雲久吾來亦暫畱身隨天路迴情寄野僧幽  
檻外濤聲聒林端雨氣浮同儔二三子高步信良遊

秋日雲奇巖遊覽

盤輿參皂蓋乘興到巖阿一徑秋容淡千山晚翠多  
輕霜沾秫稻微月掛松蘿卽此堪招隱無人柰若何  
遊西山巖次石上韻

殿宇參差霄漢閒蒼松白石護禪關茫茫遠水征帆  
杳片片輕霞夕鳥還已覺浮生如夢過幾時行腳似

僧閒山廚且煖松根火，暫倒壺觴一解顏。

龍窟古渡

層崖聳翠映峯巒，一水滌河碧浪翻。年來車馬渡，老榕古石解人言。

遊大輪山

輕颺晴旭弄熹微，藉草傳盃淨可依。登陟自誇身頗健，交遊漫說世相違。陵霄碧幹情彌上，激石清泉勢欲飛。多少少年成皓首，牛山峴首淚沾衣。

寓居鍾溪草堂

數家臨水構一壑繞溪探短褐吾將隱微言世豈耽  
媒媒多閉戶嘿嘿自窺潭休訝蕭疎甚從來僻性堪  
羅漢西來又一峯夕陽僧晚已鳴鐘三千諸佛知何  
處畱與高人養臥龍

羅漢峯

莊一俊

登太武

丁中

奇勝誰登絕傲山嶙峋偏自愛躋攀滄波四面浮瓊  
島青壁千尋護玉關北望五雲天關遠南瞻萬里海  
邦閒令威舊識蓬萊路便擬乘風駕鶴還

虎溪巖

何喬遠

卓地非凡石干霄盡峻峯哲人開慧竅神秘吐靈蹤  
月色明鮫宅天風散雉墉幽期來信宿新木挹高榕  
其二

眾石黑如漆子雲來守元竹書窮日月地紀劃山川  
場老磯終古合之嶺尚懸勳名成遂後還到草堂前  
嘯臥亭

長風乘高秋來此觀溟渤不知天際頭決豈是何物

嘯臥亭

黃泗清

俯矚大地浮仰觀天日浴便欲乘仙槎因之問海屋  
早春同客遊梵天寺  
蔡獻臣

人遊喧古寺客到及春前寒樹晴光暖孤亭暮景懸  
躋攀應爾健高臥任吾堅夜靜梵鐘動不驚老衲禪

次劉學憲汝楠大輪山頂石韻  
陳基虞

乘興招攜上絕岑巖花野鳥自春深乾坤到處如輪  
轉身世誰回彼岸心一點青山浮海上雙溪碧水倒  
松陰遊人若問圓通路曉閣鐘聲響未沈

大輪山

蔡復一

何陋集卷一  
卷之二  
十一  
三  
歡情一往已成非猶愛秋光上翠微磴折寒雲行款  
曲帆開遠水見依稀霜鴻惜影應遲菊露葉含情將  
染衣明日當歌烏鵲起暮鐘雖廢忍言歸

梵天寺

地多雲氣自爲天樹共山開失記年有客杖依珠苑  
鶴孤吟鐘散海門煙雨餘龕火涼宵話香定松風美  
午眠荔子將成嫌酒晚葛巾漉取聽飛泉

其二

靈刹因人地轉深追涼結伴快幽尋茶瓜以外無兼

味山水之閒有遠心好鳥依林風自語輕雲閣日午  
猶陰稻香花氣綠郊路餘興還堪託素琴

壺隱山房

市廛寡真氣未果徇山緣偶得東郊地誅茅構數椽  
既減酬往喧兼於藥物便經始良意銳竟圖知力艱  
堂成置酒落盱眺亦欣然移花未成樹好鳥已畱連  
萬物各懷新幽姿聊自妍

其二

入門逕左折槿藩胃綠蘿小亭周以闌方沼俯窺荷



傍垣稍露隙嘉筭前擢其柯深愧食采儉未足展荼猗  
地狹取之盡拾級引陂陀受分故已短爲巧謂幾何  
偃仰聊復足會心不在多

其三

出郭塵事疎近山佳氣上況此壺中天入愜得景廣  
捲幔延清霏空色落吾掌溼霽竦黛鬟攢煙屢異象  
時維暮之春草木日以長淨歸茗筍香翠與琴書晃  
微風灑然來卽事成新賞

其四

山水如高人親疎不可得自我賦遁思日招同舊識  
及茲卜築成頗能具主客尊前行疊青檻外散虛碧  
雲物澹清朝風月陶永夕邱壑豈見私疎慵豐暇日  
散懷若無涉觸歎自相卽常恐負幽諾於焉并心迹

視師中左

閩中  
南居益

嶮廓聞天際縱橫島嶼微長風吹浪立片雨挾潮飛  
半夜防維檝中流謹袂衣聽雞頻起舞萬里待揚威  
其二

一區精衛土孤戍海南邊潮湧三軍氣雲蒸萬竈煙

有山堪砥柱無地足屯田  
魏虎聊防汎蛟龍  
隱藉眠

洪濟山

池顯方

長川展鏡蘸嬌顏  
幾片雲花貼翠鬟  
九萬里風生足  
下八千國士在  
眉間  
曉鐘未動雞銜日  
暮樹多寒鳥  
背山一夜何聲喧  
不住應知虎豹扈  
天關

雲頂巖

新栽松檜已齊腰  
秋老芙蓉尙插香  
烟外家鄉纔遠  
水石閒如字半前  
朝但看野色無城  
市難判天風異  
海潮白鷺遙汀飛  
不見寒雲幾縷傍  
衣飄

浮海

楊期演

直掛雲帆滄海東  
三山指點有無中  
黑濤直上浮荷  
蓋雲浪難猜入碧空  
堆捲琉璃鯨勢突  
吸噓樓閣屋  
情通細分日月爲行表  
騁着文魚作馬驄

鷺江聞潮

秋氣生寒浪雪堆  
亂捲天動搖山島  
外溯漉草堂前  
詩老須心遠情深  
貴耳元欲持真  
獨立宜向冗忙邊  
錦庄夜半

煙銷蘭桂飫餘情  
一枕黃花入夢清  
忽見雨絲千萬

落又聞簷馬兩三聲

遊鼓浪嶼

竦峙滄波上區區亦厚坤  
菑田一岸綠渡浦兩峯尊  
潮落林中靜煙騰海氣昏  
漁樵雜冠蓋談笑畫桃源

錦庄閣坐

楊秉機

籬邊黃菊艷映入小堂  
中青史前賢在疎簾  
秋色空蘆花含畔白雁字  
寫雲紅薄暮茶煙起  
銀河耿在東

遊晃巖

孫朝讓

一桁青山屋外斜  
芸編堆處有人家  
嵐光想逐朝烟

到谿色應愁遠樹遮心句久參龍豎指膽瓶時供鹿  
銜花亦知閉戶無餘事掃葉泉邊自煮茶

遊晃巖

無錫

曹 荃

端山山勢遠欹斜中有幽棲處士家千嶂光迴屏若  
列一溪陰度樹還遮客來有約頻看竹話到無生忽  
雨花最喜圓明禪理透夜分手淪紫團茶

遊晃巖

餘姚

陳相才

翠巖顛特來溪斜別有裁雲作構家抹眼裂畦紆徑  
引壓眉懸石亂峯遮鉤奇欲問元成草說法還探淨

散花頓覺香塵空十斛叩扉便與趙州茶

激素洲

晉江秦鍾震

幽壑納餘青晴川浮片素溪山映發中雲鳥自朝暮

韻亭

餘姚邵之詹

以塵觸其根入耳都成韻故凡屑有聲無非妙明蘊  
清籟叶宮商空中相答問我亦動天倪戛句敢辭鈍

松亭

松陰十里長入境幻幽曲倚松以爲廬蒼龍遶深谷  
下際端山門上緣晃巖屋不雜清淨因于此聊通俗

眾妙亭

入勝地轉佳尋幽集其要澗達開襟懷千山同一笑  
聽沈泉乃升激素縈孤抱適我皆天機觀物見窈渺  
應接耳目紛動中靜皎皎會心不能言但知爲眾妙

石淙洞

穴山以爲洞入洞山乃見蒼崖蘿薜紅遙泉巖外轉  
晴天決簷溜空際懸一線積水接瀑聲波流雪光卷  
朱鱗若空遊聞聲來水面落葉依澄潭喋食雜花片  
懷清生稱幽境適意難遣緣雲歸洞門殘夕山氣變



衆妙亭

嘉定

張鳴盤

淮君所歷亭選勝在山椒石路上雲氣秋陰生沈寥  
依稀窮島岫毫末辨漁樵下界微鐘動窅然塵慮銷  
雪山頂上叩僧休歇

黃文炤

壁立層雲香徑通捫蘿又上茂林峯月高庭後無人  
到惟有龕前大小空

御踏石

紀文疇

國恩力盡涕潺湲滿目衣冠感舊山駐里鼈潭空帶  
甲牽舟龍窟尚朝班不磨其跡若臣意所至則書天

地閒石爛於今杯荐水春田受福護江關

### 大輪山

周廷鑑

雨中幽興盡筇履亦難馴果雨雲如蓋居然石作輪  
寒明生野燒靜籟測風榛僧茗虛相對停盃憶故人  
殉節篇爲烈婦洪和作

盧若騰

妾爲君家數月婦君輕別妾出門走從軍遠涉大海  
東向妾可嚀代將母妾事姑嫜如事君操作承歡毫  
不苟驚聞海東水土惡征人疾疫十而九猶望遙傳  
事未眞豈意君訃播人口滔滔白浪拍天浮誰爲負

骨歸邱首君骨不歸君衣存攬衣招魂君知否妾惟  
一死堪報君那能隨姑長織罽死怨君骨不同理死  
願君衣共相守骨可灰兮怨不灰衣可朽兮願不朽  
妾怨妾願只如此節烈聲名妾何有

遊龍潭

郭貞一

殷殷觸石氣如虹灌莽驅除見化工四海龍蛇方鼎  
沸一潭魚鼈湖雲滌釣臺煙雨罽磯上納麓風雷鳥  
道中地勢遙深天亦小樽前抗首問詩翁

峭壁懸蘿幾度攀巖前野鶴去來閒藍拖洞水香生  
玉翠結峯頭巧作鬢時有白雲環洞口可無青草夢  
池閒風流屐齒吾家事漫學枯禪浪閉關

遊佛跡山

國朝 張光雲

到此纔三里巖孤樹不羣茶空僧去乞香妙客來聞  
半壁泉成雨前溪鷺似雲老夫貧亦暇山色共誰分  
林子濩過舩亭

入戶掀髯笑清風見故人看花君得句種竹我成隣  
命駕休嫌遠交深杲在貧停杯思別久梅柳又舒春

山中晚眺有懷

采山非長往，但爲世網故。僦屋泊寒溪，遊魚清可數。  
心遠誦陶詩，真隱人如晤。買山初學耨，崎嶇闢梅圃。  
餉客備冬菁，蔬薯及麻芋。開畚燒白雲，采葛穿霧露。  
日落看山水，麗奇可坦步。悠然見三山，三秀山紫翠木

未吐堤柳晚生烟，沙汀下白鷺。星漢野天高，樵人滿  
山路。忽憶江干人，西東隔煙雨。何當灞陵來，秋情在  
花樹。

黃山人遊鷺島六月十二日有歸信至賦此以

答之

是夕江鴻來云君將歸舫憶君歸未歸孤懷正澹宕  
憶昔君江行園花託日養叨作林園主心目表靜尚  
柳逕日芳菲花竹幸無恙芭蕉出長廊夜半秋露響  
傍梅有佳禽采山聊自餉獨此池梁淺荷枯魚已喪  
嗟予守孤芳琴心誰見賞多君豁達懷待我古賢上  
疎雨寒燈閒悲歎在旅况何日南風飛送君歸五兩

題萬石巖

南安  
鄭纘祖

洞壑猶然昨依稀記昔遊山空餘萬石海濶有孤舟

天地本難老風烟容易秋客心何所感惆悵大江流

虎溪巖

滿眼旌旗在疇能辨劫灰虎溪浮地出鯨石倚天開  
夜月誰吟嘯秋風自去回不堪懷往事腸斷水雲隈

過虎溪

惠安  
林之濬

幽巖興未已相將過虎溪寒律振林木落葉滿巖溪  
攬衣沿磴坐羨此足禪棲遙指昨遊徑靈境異東西  
川渚海迴合岡澗石高低雲蘿翳鳥雀風帆亂鳧鷖

蕭條驚暮節零落慨殘題浩歌山下去漁火照長堤

洞中如深甌團團露其蓋泉脈長潺湲未流瀦清損  
偃僂出深空脫然蟬離蛻荒忽難窮詰造物弄狡獪  
遊萬石

海霧散朝旭巖巒積空翠緩步共躋攀徑險心亦悸  
怪石紛峻嶒僧樓構幽邃孤亭一延眺邈然滄海意  
嶇嶇生禪寂澁瀆悟廬寄江上成慷慨林壑保深秘  
寒濤奔晚照抱膝發長喟

大輪山弟晦翁遺跡

朱 袞

仰止大同祠敬弔大輪迹一陟雨華堂清風灑巾舄



年催戰龍松山倒瞻亭石悠然三秀峯猶帶鴻蒙色  
晦翁千載人蒼苔護心畫遺跡不可磨長歌海天碧

秋日梵天文室攬勝卽事

福州

何蘭

盤盤磴道繞琳宮一帶滄波畫裏通清磬曉敲榕葉  
月妙香晚送竹枝風叢林金碧傳隋室法戒精嚴識  
遠公最喜秋光能薦爽相將莫放酒盃空

其二

經旬臥疾困秋風此日招攜選勝中說法如遊龍藏  
外置身疑過虎溪東碑銘以草逃陳迹鈴鐸依林響

梵宮坐久頌心地淨信知持偈萬緣空

太華巖

晉江  
倪鴻範

傑構華巖壓眾峯峻嶒攢簇似芙蓉蒼崖峻巖泉千  
尺石磴縈紆路幾重谷口頻看青障拱山腰時有白  
雲封爲憐西嶽高堪仰聊把蓮花擬岱宗

福船山

山如寶筏寄人閒藤蔓重牽碧漢灣每訝浮杯登遠  
岸還疑折葦涉元關慈航穩泊峯巒靜陸地無波歲  
月閒梵寶虛舟能度世方知佛法妙塵寰

真寂寺

蔡驥良

一真寂處寄閒遊，破壁荒題恣討求。  
自是夕陽遺照好，非關帝子舊風流。  
魚龍水亂行人少，石鼓聲沉蔓草幽。  
爲語山靈仍瀑布，遠公今築此峯頭。

萬石巖

張對墀

袍笏時時拜米巔，別開蓬島隔塵緣。  
一泓清淺沙爲路，萬竅玲瓏石作天。  
佛洞雲深連樹藹，僧房日午起茶煙。  
欲攜勝景囊中去，擬與秦皇借一鞭。

游虎谿日光巖

林翼池

春風歸鷺島彌望水雲天拂蘚晴題句攀松夜煮泉  
敢矜風月主幸締海山緣不厭芒鞋破長遊學少年

葫蘆山

陳 臯

孤岡突野翠屏環雉堞縈紆指顧閒自有長城堪作  
鎮寧無平地可爲山萬家烟樹連青靄兩岸風帆駛  
綠灣軍壘已殊征戰日百年烽靜此躋攀

梵天春日

高林漏罅眾峯攢凝翠亭通草閣寒柳綫困烟橫略  
徇垣衣經雨上闌干半簾鴨篆春風裊一枕鶯聲午

夢殘靜掩松扉無箇事從他癡蝶鬧花團

秋夜宿輪山書院

高以彰

乘夜閒遊到此閒話深不覺夜將闌案頭書帶茶煙  
濕簾外花飄酒氣寒星點宛堪伸手摘月輪最好倚  
窓看悠然且得襟懷朗不怕高城曙漏殘

登大輪山龍門

方朝敬

龍門峯岿壯高臺水色山光眼底開兩島蒼茫騰海  
去雙溪紆折抱城來孤舟出峽紅濤擁眾鳥投林夕  
照催終古浮雲多變態卻教寒屐幾徘徊

登大輪山

杜鴻猷

未到輪山上先聞法磬音  
人行山徑曲水出石谿深  
晚照松閒影輕風竹外陰  
遙觀峯頂上惟見數飛禽

輓高浦范介卿

天台 齊召南

壁墜姚碑明社裂赤眉直入黃金闕  
百尺天閭不可關安知倉庾緘雙楔  
壯哉溫陵農部郎寸心鍵閉堅  
千鐵君殉宗社臣殉倉一死相從固  
騷屑早教鎖鑰付斯人北門未便輸  
狂孽空令嚼碎睢陽齒石堦碧  
灑萋宏血況有佳兒殉乃翁一門卞氏  
同忠節祇爲

官卑時罕說竹簡還憐姓字滅至今鄉里數先賢此  
事褒揚待來哲不見昆明侍御公百年仍見幽光揭

印月池

江西

譚尚忠

一月印萬川在在皆如是繫彼池上人臨流獨遙跂

磊巖

借汝他山石疊此庭中巖中有一線天萬象呈機緘

曠怡亭

逢逢山上雲汎汎水中鳥尚懷寄俯仰何必皆鳶魚

三疊滌

流水本無心山石爲曲折緬懷巨廬峯此亦小三疊  
金榜山訪閻公石室

南安

洪世澤

金榜山高對玉臺隱君舊業半蒼苔著書人去成千  
載洞外寒花閉自開

迎仙片石倚巔岼場老當年此閉關欲問藏書何處  
所白雲空自鎖名山

前人著述後人傳考獻徵文此必先石上摩挲深刻  
字風流又見令威篇

遊雲頂巖



方丈連清淺蓬萊半紫氣雙潮林外合二郡望中分  
竹引瑤池液衣留玉洞雲幽尋殊未厭出谷已斜曛

題荷庵

會溪

陶元藻

煙水周遭淨土憑大光明界我初登數弓小圃蔬兼  
竹十笏閒房佛與僧過雨寒沙移舊跡隔墻秋嶂見  
高稜白玻璃內天花影悟徹真空卽上乘

萬石巖

塊壘呈海濱奇狀非一類點頭固有靈呼丈亦何愧

莽宮嵌嵯峨一逕入幽邃嶽崎歷落多我醒石已醉

風孺雲懶行日夕山欲睡木末寺樓高微吟坐寒翠  
虎溪巖

忽聞虎溪名疑向匡廬眺愧我非徵君詎逢遠公笑  
斷崖補僧居領秀得要妙幽厓陰森生乳溜滴懸竅  
中有長明燈翠壁色照耀雲盤護佛幢花映煮茶銚  
經秋眼若明對石句亦峭那得買山錢割此海中嶠

遊雲頂巖

福州

羅前蔭

陵空盤磴道無際豁雙眸海色陰晴變山光口叟浮  
濛濛青未了瑟瑟氣俱秋尺五天低處寒鐘落寺樓

春日讌集梵天寺

風日晴和三月中芒鞋破蘚大輪東渾疑載酒依蓮  
社漫說參禪禮誌公藪底閒關鶯語滑墻頭歷亂寺  
桃紅諸天脫盡塵緣味只有煙霞想未空

玉屏遠眺

龍溪  
黃梅

玉屏開島上勝槩豁雙眸鼇杜陵霄起鯨波浴日浮  
雲橫京口樹京口卽大觀山與廈島相對湖拍鷺門舟海國清寧

日登臨樂未休

宿梵天寺

一衲袈裟劫未灰禪門煙榻畫圖開行來地僻塵無  
網悟到心空鏡有臺旛裏拈花窺佛笑雲中飛錫見  
僧回買山未遂平生志更與東林訂後來

輓卓孝子

吳必達

至性人同具純孝古今難卓子幼失怙事母力  
能殫海氛訂未靖播越歷江干參商阻中道慟  
哭摧心肝廿載走漳市淒悽漳水寒明禱皆覺  
路轉恨少羽翰引領瞻嵩嶽雲樹何漫漫自顧  
無長物行囊盡可歎生我痛離別我生何足歡

埋兒與鬻兒千古同辛酸  
傍皇出鄉井萬里一身單  
山程和水驛足繭步蹒跚  
中州見母日還疑夢中看  
尋母終得母悲喜兩交攢  
扶病向歸路乞食亦心安  
行行列江澚鼓柁陵深湍  
封嫡撼檣柱哀禱迴在瀾  
惟憑誠之格磨折任千端  
歸來隆色養晨夕勉加餐  
依依十六載采微南

咳蘭

聖朝崇

孝治

錫類典

九重應入告

褒

錫垂不刊伊余非所識  
珍重屬春官

浯江秋思 迴文

飛鴻隻影照江寒  
落盡空林楓栗丹  
魏枕半斜燈寂  
寂薄衾孤冷露  
霏霏衣添病起  
驚風厲扣減愁  
來束帶寬  
違願故園家  
夢遠歸思萬丈  
數深端

萬石巖

肥溪  
黃日記

鷺江富名寺萬石獨稱最  
包羅兼眾有變幻誠無外  
危樓縱還覽飛奔與日會  
烟火億萬邨城郭橫繡繪  
前有海無際空闊不可奈  
屢氣常出沒青紅浮杳靄  
後有松數株倚立懸高旆  
清風與吐吞時時發幽籟

旁有洞嵌空石罅乍明眇曲折穿羊腸鳥道狹如帶

雙溪泛舟

郭邁

喜趁秋光緒其論孤帆遠引入花邨川環曙色波如  
熨權拂澄空碧有痕隔岸蘆菰開別界滿山風雨妬  
殘尊狂歌嘖嘖人誰在爽氣遙情恣吐吞

秋日同遊大輪山

騷人邀共此山遊躡磴摩崖宿雨收蘚帶疎泉勻石  
碣連古樹護僧樓三年客去留鴻跡二水煙開見

寫洲漫說鴈峯攜謝句祇將遠意問高秋

笏拜軒

黃濤

我與石爲隣我狂石亦介樂此已忘疲常同米顛拜

躍龍橋

納盡羣山流中有迴瀾砥神龍去不歸朝暮雲猶起  
過都門同安瑩弔范介卿先生 林應震

明之縉紳壞明宇闖賊乘之拾如俯蹂躪衝突若雲  
屯坐索庫帑及大府先生所司惟管鑰但知死守輕  
於羽天下大鑰已授之豈徒拘拘鑰不與忠孝生來  
一脈承子能死父父死主化風夜吼集靈旗凜然生



氣還高浦

義井

凜此皜然操行人皆起興長留一井水猶貯玉壺冰

九日重遊萬石

張允和

幽巖屢訪興奚窮勝日清樽此復同老去惟應親晚  
菊朋來有信逐秋鴻成霞海色翻欄外合樂泉聲出  
洞中戀賞卻忘山已夕拄將筇杖聽松風

弔張義山先生

劉 瀚

玉殿空兵火金臺沒戰塵山河十六帝草莽一孤臣

國破膠庠在時窮節義伸無顏爲弟子有骨樹人倫  
濁酒悲吾黨寒泉付此身諸生今百載萬死尙衣巾  
巍峩梵宇迴陵虛憶昔隋朝勅賜初寶地雲霞開佛  
國山門龍虎衛禪居法幢花雨諸天外猊座金身六  
代餘勝蹟不隨塵劫化至今古刹未邱墟

三忠祠懷古

萬里勤王下粵東汴杭國步總煙烽閉關泥馬蒙塵  
去魚水君臣入海從城郭祇今華表鶴風雲何處鼎

梵天寺

莊光前

同安縣志 卷之二十一 三  
湖龍松楸一夜空階雨添作當年血淚濃

### 大輪山

東北逶迤遠勢連倚空高聳翠微巔諸峯露冕陵雲  
出絕頂飛輪抱日圓千載空巖留月色六朝遺梵鎖  
秋煙紫陽往跡瞻亭在曾憶山中過化年

### 九日同諸友人登梅山

重陽佳節此登高選勝梅峯雅興豪不有參軍來落  
帽豈無詞客共題糕人烟山郭千家井海色秋風萬  
里濤同醉月臺臺上月盃中賢聖是吾曹

登奎星樓

童浚德

奎樓突兀構城東，曲檻疎櫺面面通。  
近得聖居鍾士氣，依來異位振文風。  
台垣顯跨雲衢上，斗宿光臨泮水中。  
此日門墻新黜堊，時重修紫陽祠憑高一望興何窮。

重建仰止亭懷古

輪山院外建新亭，仰止題名自昔經。  
徽國遺芳常在望，王侯舊址好相形。  
憑高俯瞰峯巒小，坐久時聞翰墨馨。  
一逕浮圖幽絕外，光風霽月憶先型。

義娘墓

莊明呈

風塵陌路委花鈿埋玉沉珠事可憐  
習井轆轤心是水其人冰雪冽於泉  
空林鳥鵲寒雲外古道麒麟夕  
照邊杯酒郵亭澆墓草廟門香火起秋烟

廟爲接官亭

聖泉

何年勺水錫嘉名牽綆徒深汲古情能識源頭泉  
始達從茲會悟聖之清寒生風雨歸松壑香繞旗槍到  
茗鐺有本由來如是取盈科混混一渠成

太平巖

葉廷梅

扈提隱隱隔層霄石磴欹崎一線遙  
僧去平臺花雨

冷風清古剎海氛消青山落木空斜照綠水孤帆半  
夕潮兩袖飄然薜蘿徑那知頑石笑漁樵

巖上有裂  
石刻石笑

二  
字

### 白鹿洞

鹿洞嵯峨出上方  
晴明野色自蒼蒼  
行來樹隱孤巖靜  
坐對山空一嘯長  
萬井迷濛烟火市  
半窗縹渺水雲鄉  
夕陽洞口花迎處  
紅袖輕飄羅綺香

### 秋日陵晨登觀瀾亭

畫角催開魚鑰局  
石橋人過水泠泠  
樓臺初日雲中

同治縣志 卷之二十一 七  
塔城郭秋風灞上亭好向高陽尋酒伴還從陸羽問  
茶經東溪碧到西溪水一壺烟光蓼滿汀

美人山

陳邁倫

靈峯秀削影離離妬殺秦娥又楚姬眉黛濃經新雨  
翠髻鬟高拂曉雲奇寒潮落月魂俱斷秋水陵波步  
不移極浦何時回船趨貞心卻笑望夫癡

仰止亭懷古

郭瑛

徽國當年過化新巍巍亭榭委灰塵連雲鴛瓦埋芳  
草繡壁苔花疊錦茵萬壑烟霞空自富滿蹊桃李素

成春千秋頻向高山仰未墜斯文起後人

普陀寺

汪士傑

鐘鼓樓高寶殿雄大江南匯小林東流飛石笕山腰  
水聲落松濤谷口風梵磬靜時僧入定海雲寒處鴈  
橫空渾疑身到潮音路不盡天花法界中

秋日遊醉仙巖

陳光章

聞道秋山境隔凡閒攜樽榼到幽巖幾椽佛屋歸雲  
擁百尺松梢夕照銜曲徑斜通仙跡路寒潮遠送鷺  
門帆憑高應識蓬萊近還閱丹經手自芟



萬石巖

石頭何齒齒蹇步客來稀鞭剩秦皇力支殘織女機  
青根通海氣瘦骨覆雲衣佛寺看山好終朝不掩扉

前題

陳韜章

漫山堆怪石空洞瀉春泉磊落餘無地玲瓏小有天  
點頭誰是悟拜手不勝顛薄暮閒流覽青雲處處連

登高崎日嶼

陳思敬

拳山突兀水風灑破浪揚帆心目駭百戰曾傳抗臂  
螳雙墟祇有遺匡蟹雲雷開霽海氛清日月重光關

險解故老凋零往事湮百年刀劍向牛買

九日同蕭衡如雲奇山登高  
陳薰

交拍吟肩立翠微臨風搔首對斜暉江間浪破雙螺  
出天際秋澄一鷺飛木落空山無客到苔深古洞有  
雲歸重陽幾度閒相逐何處東籬見白衣

七月七日雙溪泛舟限韻

勝日晴溪好細論輕風吹襉過前村遙天雲湧峯無  
數極浦潮生水一痕兩岸秋容歸畫舫幾灣夕照落  
清尊滄江鷓首烟波闊渴思平將八九吞

獅子山晚眺

四野望中盡孤帆天外賒晚山相對出秋水一痕斜  
島樹生殘靄江城隱落霞行人薄暮少村舍兩三家  
遊普陀巖過林次崖先生讀書處感咏

一崖復次崖普陀在其下當年著書人風流何儒雅  
別業構數椽於今幾片瓦滿壁墨淋漓誰歟稱作者  
重建仰止亭懷古

高有繼

輪山突屹挺精靈聖蹟賢踪到處銘人事卽今多代

謝尚傳遺址舊山青

石上軒然仰止亭情深仰止白雲停休同畏壘庚桑  
事過化重修舊典型

亭前一望挹滄溟亭後竒峰列翠屏欲企芳徽人在  
否巖高水遠僅流形

古柏喬松昨已零攀援接踵許誰經武夷雲谷千年  
峙與此遺踪並德馨

遊文圃山

十八面山山景稠朏來諸景一齊收屐閒怪石黃熊  
伏眼角奔濤白馬流書圃新開蟲笈湊賢堂全茸木

碑留却憐道堠經雙隻不得携筇造次投

步東橋玩月

黃天榜

獨步東橋望碧波水光低照白雲過眼前景物錢難買最是清風明月多

晚秋登大輪山遇雨

高有照本

登臨眺望雨霏霏漢峯頭掩落暉曲磴人隨殘暑退空林鳥帶晚涼飛從來覽勝皆忘返不爲題詩亦懶歸回首那知秋色暮青山處處著雲衣

輪山書院遠眺

徑螺旋屐齒縈眼中千里騁閒情村黏屋比魚鱗  
聳路瘦人如蟻隊行山勢欲憑嶠星斗海門擬去問  
蓬瀛許多佳景都收拾奇絕茲遊冠一生

鷺門紀槩

洪和長

錦繡烟花自一洲無邊風景似杭州樓臺半蘸晴江  
水簫鼓時聞畫鷁舟芳草遺釵春拾翠紅綃顧曲夜  
纏頭我來不作繁華夢爲有青山約未酬

鷺門有小  
杭州之日

觀潯浦拾海月

方策

海月披沙拾陵波錦席標練平沈素暈碧漾碎寒瑤

鏡面飛風幔珠胎剖屨珣艣柔銀濺浪柱脆玉成條  
簷起收圓彩攜歸趁晚潮離爲羸蚌象漁艇耀蘭橈

春日遊乍畫山

林應龍

風晴日麗上嵯峨瞥眼驚看畫意多濃淡峯嵐新水  
墨迷離石笏舊烟蘿雲中鱗甲魚龍舞樹裏笙簧鳥  
雀歌千載名山圖一幅輞川佳景待如何

冬日蘆山晚眺

劉日耀

平岡窮眺望落日滿高城煙樹千家夕霜天一鴈晴  
白拖遙浦練黃映隔溪橙暝色蒼蒼外峯頭月又生

雜漢峯

葉時茂

疑是南無降碧天一尊  
參對梵王前花臺香藹祥雲  
結寶殿風迴法海填五夜  
圓光流皓月千言貝葉誦  
浮蓮空中寂歷輪岡外  
見像何因祝

聖年

南普陀

劉必登

長風走海天鼓盪開禪定  
秋色導芒鞋一折入幽徑  
崇閣大覺場妙諦良可證  
桓桓靖海侯林谷繞鞭鐙  
寶蓮與珠旛照耀室不暝  
滄桑變須臾今昔已殊勝



敬松礙僧眉老蘚上佛脛廊空鳥自行檻壞猿復凭  
祇愛洞中泉滄江破猶剩冰雪沁心脾泠泠發清聽

南普陀

劉必登

長風走海天鼓盪開禪定秋色  
宋鞋一折入幽徑  
崇閣大覺場妙諦良可證  
桓桓靖海侯林谷繞鞭鐙  
寶蓮與珠旛照耀室不暝  
滄桑變須臾今昔已殊勝  
欽松礙曾眉老蘚上佛脛  
廊空鳥自行檻壞猿復凭  
祇愛洞中泉滄江破猶剩冰雪沁  
心脾泠泠發清聽



同安縣志卷之二十八

疏

考課縣令疏

蘇頌

臣竊以國家恃以治者民也使民敦本而務善者縣令也是以前世論政者莫不以此爲首務鄉者仁宗皇帝深知其故始詔保任縣令歲復增考課之法其所以責任求治之意至矣然而縣邑之間卓然以治理之效聞者猶寡臣竊思之蓋以殿最之格不過校簿書案文法而已效簿書益密而編戶益擾文法彌

具而治效張遠是豈朝廷任官責效之本意耶且古  
之治民勸導教率無所不至故孝悌力田有優異之  
科三老廉吏有表率之義由是農民衆而田土闢風  
俗厚而獄訟稀今則不然民勤於力苟致贍足則懼  
升遷等第遂有因循不耕之患是力田者有累而惰  
游者無罰也父兄聚居丁產稍多則懼差徭配率遂  
有離析異居之弊是孝悌無所勸而姦惡未得止也  
鄉村但有耆壯巡察吏卒追捕不聞以善道諭之者  
是教化無由至而訟獄不得息也然則欲變其俗使

稍敦本者亦在朝廷勸勉之而已臣欲望明詔戒勅  
自今考課以令長能用善道諭民拋末游而歸本業  
致獄訟稀簡而盜賊衰息者爲優等其能勾校簿書  
均稽稅賦發姦捕盜興利除害者爲次等二者咸無  
爲下等優等望賜超擢次等再加激勵末等自當降  
黜其田里之民亦許令長舉察州郡案覆立爲科條  
有能盡力田畝開墾陂澤久遠爲利於衆者或羣居  
孝友宗族敦睦爲鄉黨所推者如此之類特與蠲除  
戶下差役其復有明於義理年高行著者卽少加旌

異或立鄉官之號以賜之使人諭教化於下相率而歸於善道如此則廉平之吏思盡所長禮義之風庶幾可致矣

新政八要疏

林希元

臣聞冬寒之極必有陽春大亂之後必有大治天下事壞於權奸之手至正德十五年極矣陛下以親藩入繼大統一舉而更之使十七年天翻地覆之世道一旦轉而爲乾清坤寧之治此湯武以後所未見而年方出幼德已夙成則湯武之所未有也卽位以來

曰新厥德弛張舉錯動合輿情商尊禮大臣從諫弗  
咈又古帝王之盛節至於退處深宮終日靜坐觀覽  
章奏之外卽看書史聲色漫游無所耽嗜侍御僕從  
之人無敢褻狎天語渙發左右承聽以爲雷電臣又  
知陛下端莊靜一於人所不見之地非但恭己以正  
南面而已也今中外臣民萬口一詞謂陛下天生聖  
人此非面諛又謂陛下血氣方升形神未固不宜過  
勞恐有所損又謂聖躬宜加慎重飲食起居皆不可  
苟恐姦人有所不利蓋其愛之也深故其慮之也至



爾臣甫登仕路幸際明時愛君徒有心致君愧無術  
茲因進香來京覩清光讀明詔不容自默然陛下以  
言責諸人固將取其有益身心天下也臣有所見而  
不言或言有所畏避而不敢盡非臣所以忠於陛下  
也臣之言類多觸犯忌諱然臣但知忠於陛下得與  
失非所計也陛下亮臣之心而稍加採擇臣雖退處  
衡茅亦無所恨臣觀自古人君莫不下詔以求言人  
臣亦莫不進言以忠君然求言者每不能用進言者  
多不見售良由君以求諫爲美名而不務其實臣多

過深以求君而不量其勢如漢文帝天資近道至於體樂則謙讓未遑漢武帝嘉唐虞樂商周不免多欲之累皆好名無實者賈誼董仲舒不量其勢而深求之其不售也固宜臣之才不及賈董陛下之聖遠過二帝臣所以敢越分而深求者誠量陛下務實而非好名必能用臣之言不若漢二帝之於賈董二生也陛下誠用臣之言則一帝可三三王可四不用臣言則帝王之治終不可得臣恐後之悲今猶今之悲昔也所有敷陳爲君道急務者六日務正學以隆治道

日親正人以資輔導曰用舊臣以輔新政曰清言路  
以定國是曰急交修以圖實效曰持久大以終盛美  
爲朝廷大政者二曰息內臣機務以拔禍根曰罷內  
臣鎮守以厚邦本條列於左總名新政八要謹具奏  
聞

八要條列甚長茲不  
具載見次崖文集

### 議大禮疏

劉存德

臣聞禮莫大於祀事祀必先於廟建方今祖宗積德  
踰再百年陛下仁孝光於遠古際禮樂必與之會適  
宗廟更創之期既考制於盛代復集議於羣臣雖酌

今準古未有定規而援禮據經終歸曲當上比隆於  
成周下曠觀於昭代臣等何幸而逢其盛哉近見左  
春坊右贊善兼翰林院檢討郭希顏乃敢肆爲異論  
上瀆天聽竊近代四親之制壞隆古七廟之規豈惟  
因陋就簡不足臻美於一時而其叛經背禮亦無足  
法於後世臣等請待備采七廟之隆四親之謬與郭  
希顏所以立言之意披瀝爲陛下陳之夫自天子達  
於庶人愛親之心均爲無已而禮數則有限故天子  
之廟及於七世諸侯大夫士降殺以兩隨分致隆不

容損益虞夏及周制作大備故祭法曰王立七廟苟  
卿穀梁皆曰有天下者事七廟則春秋戰國之時其  
說尚存漢魏以來創業之君多由特起其上世旣微  
又無功德以備祖宗故原廟郡國廟四親廟因時迭  
制追崇不遠其陋爲甚且使天子諸侯皆同四親則  
天子之禮下屈於人臣豈所謂尊卑有序名位不同  
者耶且以郭希顏所議之禮言之睿考以憲宗爲父  
以陛下爲子今日正名皇考於禮爲當第孝宗繼列  
皇以有天下深仁厚澤灌注人心近在一世而立廟

於四親之外迹近於祧其於陛下達孝之思睿考友  
敬之意臣等竊以爲未協也至於祧廟之設不顯然  
以處孝宗之意爲言是郭希顏明知其尙在七世之  
列於情於義大有所未安也所以敢於爲此者蓋其  
素行僉王覬希寵幸敢於犯名教之防以謀身家之  
利奔競阿邑已非一日近爲御史包孝所論吏部覆  
奏備畱考察郭希顏亦自度其不爲清議所容患失  
喪心遂至於此殊不知其幽負祖宗在天之靈明負  
陛下格天之孝恣肆欺罔窺伺捷徑所幸聖明洞燭

下禮官看議郭希顏欺佞遂無所施道路傳聞莫不  
喜躍以爲陛下有周武之達孝有虞舜之大智不可  
以常情窺測也伏乞斷自乾剛罪竄希顏以上謝列  
聖下慰臣民然後曲加斟酌定爲典禮倘過聽及於  
芻蕘臣等敢妄一得爲陛下獻焉方今肇建九廟會  
逢八世則太祖之廟不遷之主也成祖爲二世之君  
宜居昭之一廟以其親盡而當祧有功而當祀故爲  
世室以居之宣宗爲四世憲宗爲六世武宗爲八世  
則皆昭之列也仁宗爲三世之君宜居穆之一廟英

宗爲五世孝宗爲七世則皆穆之列也今以睿考誕育聖躬中興鴻業廟祀崇報實天理人情所安但欲名正言順倫序不乖則未有如特廟之爲當者也在陛下今日以親親之情特廟而享獨懋孝思將來聖子神孫以尊尊之誼萬世不遷追崇肇基之跡則睿祖之功德且與本祖太宗比隆又何必顯躋於昭穆附會以四親然後足以昭報本哉郭希顏不以當今制作媿美隆古乃求三代以下之謬論以濟姦私此臣等之所大惑也惟陛下原諸達孝之情務使愛曲



盡而不遺觀諸典禮之會務使倫咸正而無缺則先  
帝之心安於在天而陛下之孝光於萬世仍正詭辭  
亂禮者之罪則宗社幸甚臣等幸甚

嚴考察疏

劉存德

臣等照嘉靖二十四年例該京官考察權衡藻鑑持  
於部院綜覈品則酌於成規賴聖明在上睿思獨斷  
大小臣工罔不祇承以圖補報固不特迂愚之論以  
裨三公之理獨念文明成化已非一日顧士多負俗

鮮見真材者甄別之或爽其實雖有黜陟而不足以

勸也夫中人爲善獎之則進挫之則沮不見名不勸  
不見恥不勵今使爲舜之徒與蹠同議怙終之惡與  
過同恕欲人知善之當勉知不善之必不可爲也蓋  
亦難矣臣等近查嘉靖十八年至十二年考察事例  
除年老有疾罷軟等科昭著耳目少有遺失其閒以  
貪而去者僅十二年有兵馬大使等官至司務而止  
耳夫廣受賄賂尅斂羨餘倚公營私因權獵利此貪  
之大者也而豈兵馬等官所有事哉舍此不問而察  
察於其細是言貪之失實也又有以才力不及而調

者蓋以其遲鈍近質周章寡籌所短者謀斷而實無  
卑污之行故調爲州縣府佐使親民事則雖不能大  
有所建立而和平之惠於民亦有利焉近或罪惡顯  
著託遷謫以逃公論或仇隙交構摘小過以濟私排  
同爲不及之流實有涇渭之別見排者沮於善而獲  
逃者肆其奸矣又有以浮躁淺露而調者蓋以其材  
華淺薄矜肆未忘所少者涵養而實有化裁之資故  
一槩調外使居下僚正欲其深自檢省而懲創之餘  
尚能得其材而用之耳近或少年浮靡雖貪暴而並

在寬宥銳志激揚雖豪邁而務加摧折同置浮躁之  
科實有薰蕕之異見摧者喪其志而獲宥者滋其惡  
矣又有以素行不謹而去者實非聖朝得已之法蓋  
因其人之可絕而絕之耳近或搜剔曖昧撫拾流謗  
以害孤介無助之人又有納交貴勢結歡親識以成  
根據難動之惡是非倒置莫此爲甚夫公論之在人  
心未嘗一日不明由是數者豈秉鈞諸臣有所不辨  
蓋輕於視天下之材緩於謀國家之事則於賢不肖  
之夫就如秦越肥瘠無與於我兼之明昵之俗成於

下而怨德之念橫於中則於賢不肖之用舍如飢渴  
飲食取適於懷大公之法廢而行私之計得矣臣等  
猥小待罪言職切見方今水旱四方迭奏所急者莫  
甚於財用若使貪墨之徒復得容身於外則財必傷  
而民必困我皇上勤民日以視國如家之臣爲念使  
當事任怨介直招尤者復不得盡節於內則有志之  
士孰不解體此臣等所以目擊心摧而不能自己也  
伏望皇上垂察愚衷亟除往弊勅下吏部都察院遵  
照考察舊規從實舉行特嚴臧吏之黜勿使遺於權

外詳慎不謹之科無濫加於疎遠斷自才能不足以  
集事者爲不及氣質不可以近人者爲浮躁過惡有  
指者爲不謹以次調黜閒有行已偶失而蹤跡未明  
理法稍乖而原情可恕歷履未練而進修有待處事  
多過而志節足稱者乞特加策勵並從畱用勿以混  
於不及諸列以廣作養以明德意使他日得一人而  
用之皆今日一勸之力也且天地之生材甚難國家  
之養材甚費自賓興之日至於筮仕數更賢明尺度  
重典登庸一有所短遂爲媒孽挫抑終身少得振拔

以効力於明時深可惜也設有不顧公論不辨名實  
與一切徇情縱容曲爲擁護任意猜忌巧肆擠排者  
聽兩京科道等官從公舉劾臣等決不敢阿附畏避  
以上負君父下負職任則庶乎黜陟之典以正而善  
惡有所勸懲矣

乞賑貸疏

劉存德

臣於嘉靖二十五年正月二十四等日據兩淮都轉  
運鹽使司運使高鸞直隸淮安等府知府姚虞等各  
呈議爲重罹災傷乞欲比例題請發賑等因到臣隨

得嘉靖二年十八二十等年淮揚等府災傷閒見  
百姓阻飢皇上特爲軫念將餘鹽銀兩或自太倉給  
發或自運司畱賑彼時民竈倚生至今傳頌近嘉靖  
二十四年災傷該鹽御史齊宗道比照嘉靖十八二  
十等年事例題請普賑承蒙天恩准將餘鹽銀伍萬  
兩存分給外江北軍民竈戶藉此延生冀秋有獲奈  
復積月不雨歷冬無雪及春發生麥苗絕望去歲鬻  
子易食棄家謀口者卽今二十五年不能自有其身  
矣臣自奉命以來週行各府連地旱傷鳳陽兼有河



決爲災而泗壽二州臨淮五河懷遠碭山等縣爲甚  
淮陽兼有蝗螟爲災而海泰二州鹽城桃源興化泰  
興等縣爲甚又歷淮南以北三十鹽場目擊貧竈困  
居窮海忍餓燒煎人色已無勤動卒歲真有欲委命  
草萊以圖一日之安而不可得者夫孰非皇上之赤  
子哉其飢與軍民則一而其業爲勞苦其係於邊計  
爲重大其被災非止近歲蓋自嘉靖十八年海潮滄  
沒以來亡散之衆至今未復追呼之吏視昔倍急又  
不容其流移餬口於四方眞所謂羈置窮廬坐而待

斃者也如此之流習見豐歉皆不復以秋成爲望惟計皇上聖慈必有恩賑自天而下則其更生之口也臣等待罪鹽法如躬疾疚無力拯援獨仰體皇上好生大德俯察黎民待哺至情冒昧宣達實臣微忱伏乞勅下戶部照例議處從寬給發除嘉靖二十四年九月至二十五年二月徵過餘鹽銀兩依期解部不敢輕移外自三月以後掣積銀兩乞容存留十萬一半解送巡撫衙門賑濟軍民一半收放運司賑濟竈戶從此億萬餘生成歸一人再造誠大惠也至於分

賑之策自古所難計今可以任事之臣求之府州縣不過數人而已皇上之施恩如此其廣斯民之待生如此其急若拘常委任各專界域不免有勉強終事之徒調度失策不惟滋生靡費有孤聖恩甚至聚飢餓之民而轉之溝壑其害又有甚於不賑者臣既願爲皇上宣昭德意動費十萬豈敢有欺隱合無於准賑之日戶部仍咨都察院備行撫按衙門通將府州縣正佐官員各參訪歸一方行會委先盡本管地方以次度地分行責其一意幹辦隨宜設策務於時艱

有濟實惠徧及以副我皇上宵旰憂民至意運司官  
係臣專屬倘有委用失當賑卹無方則臣之罪也事  
完之日通將委用過官員賑過飢口造冊奏繳則庶  
乎億萬軍民竈戶之家無有不獲而臣之干冒請賑  
亦可免於罪戾矣

糾劉應賓疏

郭貞一

臣嘗讀詩至大風有隧貪人敗類之章未嘗不掩卷  
三歎以爲世溷濁而不清吏卑汚而不古者職此之  
繇也夫治水者不治之於其源則末流益湮今以天

下人材之藪盡歸銓選之門而寵賂日章廉隅潰決  
尤而效之亂是用長矣臣所見聞最確無如原任文  
選司郎中劉應賓大可畏焉夫應賓在文選郎少常  
自爲甫入少常卽正卿自爲而未也一月之間歷轉  
清要數日之內遽推納言今且大銀臺自爲矣意亦  
海內別無賢者否則朝廷銓序之權惟在應賓手耳  
非然何官之驟耶使應賓品足以表俗才足以救時  
則古亦有一歲九遷者而應賓又非其匹也嘗考應  
賓掌選時黷貨無厭降南禮曹尋營蠟南考功又復

謀南璽秩爲御史劉熙祚所劾曾奉嚴旨罷斥然而  
鑽刺之術到老彌工好利之迷人言不恤自其再燃  
灰燼重握銓衡黃金白鏹不脛而輸高第連楹如翼  
斯舞有言陳師泰送銀八千而得蘇州者有言丁煜  
送銀六千而得温州者有言董振秀送銀二千而得  
温州府同者有言夏萬亨送銀三千而加陞藩臬者  
有言其縱子及壻招權納賄者有言其遇大選急選  
每日於楊中書家對兌銀兩者利之所在恩例副榜  
揀擇地方尙可言也考定危疆依舊送監不可言也

利之所在前人之推補未幾扣除出缺尙可言也經  
手之題註已明兜憑勒索不可言也利之所在任子  
之聲價未必皆芳而多獲名郡不可言也亂離之履  
歷豈必皆真而槩合選例胡可言乎利之所在官繼  
蘭以郡守計處而超擢憲副不可言也王夢錫以貪  
酷拿問而居然憲長胡可言乎更僕而書莫窮其穢  
傳之通國咸訾其人嗟嗟設官分職所以牧民今其  
存者不過江南數郡甌越諸省數百縣而已餘皆爲  
戎馬爭戰之地年有選時有選月有選今皆以官爵

其何瘳之有非錢既不可得官非取之百姓又  
不可得錢螻蛄聲聞夜行有虎哀此黔黎咩羊獯首  
何物可供子大夫之求者臣恐亂至之無日也而應  
賓乃八座雙藤欣意快志朝過太常幕列通政哉以  
貨賂言之竊賄爲盜以名器言之盜器爲奸奸盜之  
名爲大凶德固當籍貲橐以佐軍需投饕餮以禦魑  
魅又烏可司帝命之郵而接夔龍之武乎伏乞皇上  
軫念民生芟除官蠹將應賓論賊正罪以爲墨吏之  
戒天下幸甚



乞引用正人疏

郭貞一

臣惟今天下所求於皇上者甚奢也而其最急者惟是興師討伐皇上業下詔親征大義所關此卽有辭以告天下矣臣今日者亦請以師言之易於師之上六曰開國承家小人勿用諸葛亮之出師也亦曰親君子遠小人此先漢之所以興隆遠君子親小人此後漢之所以衰亡夫君子小人於用兵之際似不甚切而必爲之叮嚀而垂訓者則師之所係猶甚重也太祖高皇帝開天定鼎豪傑景從當軍師旁午羽檄

飛馳禮陶安於太平聘秦從龍於鎮江徵劉基朱濂  
章溢葉琛於東浙故能使非常之士延頸而思獻畝  
之倫聞風而附也陛下艱難草昧奮繩祖武徵書蒲  
馭相望於途如鄭三俊曾櫻諸老成人各仗廉節禮  
誼之風海內並仰陛下親裁手詔遣宮敦迎一時人  
心歡呼踴躍而緇衣所動干旄所及又有如夏允彝  
陳子龍二臣或體用兼全而堪王佐之選或文武齊  
備而稱戡亂之英假令木拔道通此二臣者一應皇  
上之求有以知中興之不遠也夫人主用人則必用

其名譽有益於實者人臣言人亦必言其行事有見於前者故舉而不當謂之比匪知而不舉謂之蔽賢二者皆有害於國大損於臣而以臣所真知灼見則又得數人焉原任吏部尚書徐石麟清標介性統鈞不阿大忤僉壬飄然去國人望所歸無出其右原任詹事徐沂原任春坊沈延嘉文章經濟冠絕一時帷幄論思夙抱公輔吳越之間稱爲鳳麟原任工部郎中葉廷秀剛腸勁氣百折不回好德訟冤之舉不識其人而爲之近擢銓司先幾之明堅臥不起原任科

在熊開元袁彭年一當周延儒氣燄薰天之日能批  
徑尺之鱗而身幾斃於杖圍一當馬士英權奸炙手  
之時願請上方之劍而旋放逐乎江濱語云千人之  
諾諾不如一士之諤諤矣凡此數臣其忠君愛國之  
念既足表信著龜而難進易退之風復可儀型僚友  
今以海內具瞻之人而興朝纁帛有所未加臣竊恥  
之下至新進之臣有清畏人知慈可衆喻如原任嘉  
興縣知縣林之蕃者革弊懲奸禁惡有方推恩不費  
種種善政難以枚舉無非爲天子惠養元元者鹽臣

李挺貪聲素著捏以口舌獲戾游詞不根舉縣冤痛  
聞報離任縉紳士民罷市閉關叩闕請留而奸黨疾  
之遂從降調夫之蕃所能者無得罪於百姓所不能  
者彌縫於上官此賢令也使天下之令皆若之蕃實  
心清節則海宇寧不昇平寇盜寧不銷弭耶所宜特  
加超擢以風有位也陛下勵精御極無日不以復仇  
雪恥爲心凡弓車之往側席之誠天下臣民猶將見  
此志也臣故敢舉其所知以抒薦賢爲國之義伏祈

示石麟等立賜擢用則賢才輻輳氣象清明矣

條陳屯田保甲疏

郭貞一

臣聞海孤踪備員奔走蒙皇上破格減俸與臣考選  
赴選之日部擬兵曹又蒙皇上親自遴擢拔置西臺  
臣何人斯荷主厚恩一至於此然臣滋懼矣居其位  
而有所不知知之而有所不言則御史責也況今天  
下何時乎朝廷日苦餉之不足百姓日苦兵之有餘  
重鎮在淮豫荆襄隱憂在閩粵江浙所謂重鎮在淮  
豫荆襄者蓋淮豫既當入犯之衝而荆襄又上流必  
爭之地淮豫不守荆襄不復郊圻封域未可恃也乃

兵興餉絀孰不知屯田之宜行然臣觀古來屯田皆自將帥實力修舉故易以成功如漢趙充國唐畢誠宋吳玠等或因所獲以餉兵或歲省度支數百萬國初諸將亦於龍江等處屯田後設各衛所大約以三分守城七分屯種又有二八四六一九中半等例度諸鎮臣忠義之心非後於充國吳玠也喪亂以來其自光固汝歸之地以及蘄黃湖湘變耰鋤爲戎馬化土田爲滄桑者何限誠以七分之二兵防據要害協剿討賊以三分之兵就近汛地修廢墜闢草棘廣治耕

教亦何至吸髓膏斂民怨咨哉所謂隱憂在閩粵  
江浙者民窮走險屢屢見告剽賊聚散莫悉其踪秦  
楚前車可爲炯鑑孰不知保甲之宜行夫保甲所以  
除暴禁奸惟司民社者平常每視爲迂緩不切迨法  
令滋紛盜賊羣起而大事去矣嗟無及矣今欲嚴其  
法於京師并宜廣其責於郡縣誠使守令下車竭數  
月之勤捐迎送之節先自邑都次及郊畿次及窮鄉  
僻壤皆身履其地周知其數凡雜居僑寓倣土斷之  
條十家爲甲有甲長十甲爲保有保正籍書而存之



其婚冠生養流亡疾歿朔望登報稽註對除則雖不出門庭而精神已遍於百里矣擇其家可任者練成義勇一軍以戶口多寡爲準如有不虞之警則調發之亦何事援將統兵內地騷擾哉抑臣更有請者夫祖宗幅員之廣直接邊陲曾不數年東西失地何止萬里雍涼代絳陌華嶽而不通齊魯幽燕斷黃河而未挽皇上應運而興上符列祖然艱難憂患昔日光景深宮燕閒豈不依然在念夫困然後知憤憤然後知學顧帝王之學與經生異經生之學不過摘詞章

習訓誥而已帝王之學將以鏡往古之是非驗今時之得失也臣惓惓愚忠尤願皇上經筵之餘與諸臣講論治道求四方水旱災祲盜賊之狀亟圖所以補救者則君德益修而施之事物者無不當天下嗚呼向風恢復之勢可成興隆之治可翹足而俟矣

同六科糾內監疏

郭貞一

臣等於本月十二日接出聖諭一道從來內臣不論太監掌印等俱口稱奴婢不稱臣我太祖三百年之定制今後再有破例口稱臣者定以蔑祖制之法治

之各官行禮戴官帽每日一拜三叩頭止稱曰皇爺  
萬歲萬萬歲太監一行少監一行監丞一行不許違  
亂違者重究仍着禮部行文知會戶部司禮監并兩  
科記着恪遵朝班違者言官指參特諭欽此欽遵聞  
命之日中外歡呼咸以爲聖明舉動曷絕千古夫  
諸天象則官者在帝座之西考於周官則闔人守中  
門之禁其義甚昭戒甚切也高皇帝立法止傳奉灑  
掃不許識字文皇帝勒碑於門官不過五品嗣反後  
世委用漸大汪直劉瑾魏璫之輩毒流天下其害有

不可勝言者陛下御極以來徹見亂源獨斤斤於申  
掖庭之舊制抗祖法以繩奸卽微細稱謂之間亦必  
嚴加慎重蓋所爲謹始防微憂深慮遠之意固自有  
在矣數日以來意謂守禮內臣業當確遵明旨不料  
猶有違犯者致干雷霆之威訶及臣等古來稱宦官  
者不曰內侍則曰內品亦以見長秋前之爲祕密之  
地而黃門給事之人非士大夫交通之槩也臣等非  
承召對何由身近日月之旁或內殿傳宣或起居願  
問皆非外庭之所得而知卽偶蒙逐隊諸大臣陪鸞

馭之未班瞻龍顏之春煦亦遠在陛楯之下聞召則趨言訖而退臣等能以所聞者爲指參安敢以所不聞者強爲塞責哉皇上旣明祖制於前而宦官乃蔑祖制於後若其小員也則以司禮治之若其大司禮也則以三法治之雖貴爲五侯未有不俛首而聽處分者矣抑臣等實奉職無狀子輿氏曰有言責者不得其言則去幸及優容之際願乞骸骨以歸躬耕畝畝以助貢賦不至獲譴將來且又有伐檀之誚斯亦

聖明之所以養廉恥而尊節義也

論

省曹寺監法今繁密論

蘇頌

臣聞在昔帝王之發號出令也必因時而施宜視俗而興化時朴野則濟之以文俗雕僞則示之以質隨變所適使民宜之故能久於其道而天下化成質文損益百世可知也國家剗五季之弊續有唐之緒累聖剗制或革或因其道燦然於是大備仁宗皇帝以承平日久事多因循曠然有改作之志故開廣言路整輯治綱至於先皇帝遂大有爲臺閣之務無所不

舉然而事日浸廣法令益繁陛下臨御之初深知其  
故推原先志稍加裁損數年之間講明備至而法令  
之繁尚未盡革何以言之先皇帝改定官制本欲憲  
章百王歸於簡要而奉行之際羣臣不能究宣上旨  
各務便文事有未詳更復立法積久不已遂致滋章  
故今日之弊良由關防傷於太密而畫一傷於太煩  
蓋省臺寺監萬務所萃置長立貳承之以僚屬所以  
裁處事務助成至治也苟不任職每事立條事務日  
新欲以有司之文而盡天下之務雖使臯陶執法蕭

何造律勢不能遍况百司所職條目不同而一同之間又有細務或通於此而礙於彼故有求之人不能卒曉遂至紛爭或經臺省投牒披訴文移往復虛煩取會其可行者百無一二徒長奔競無益風教夫關防密則有司執文重疊問難小或違戾遂格而不行使有求者抑塞而不舒妄訴者牽制而不斷近者陛下特軫宸衷將革其弊故丁酉詔書分命近臣細抽文案看詳點檢內有拘文害事不近人情者許并元除剛改詔意如此可謂察見事情大慰羣望然而行



移彌月取索甚多比至定達上省竟以有礙他條不能盡如詔書之意誠由關防太密之所致耳拘礙如此亦可以爲之弊矣誠能少損其文致而濟之以忠厚則三代循環之政亦不過此臣愚欲望聖慈特詔近臣遍行取索應省曹寺監用見條制格式仍召集諸司官吏使之反復詰問看詳定達可刪者刪之可改者改之擇其要切者著爲新令務從簡易便于施用其餘令式所不能載者小事則從省曹長官專決大事則稟于朝廷簿書期會悉付衆寮催督結絕若

官同措置失當及徇私廢公致有赴訴並委臺察糾  
案如得實狀其當職官吏次第書罰有涉欺妄亦行  
懲重員如此則臺閣規模有宏遠之致朝廷法度循簡  
易之規矣

同安濬溪論

國朝 徐芬

同邑北連峻山南接大海環城東西二水奔流而匯  
於朱紫門外其浪濶洄漩而入於海者不過十里耳  
溪多細沙流而填塞水愈淺而海潮不通一逢霖雨  
則淹爲澤國西南居民屢苦昏墊而平時又艇舶靠

淺不能入經商挑運貿易維艱濬溪之舉不容緩矣  
但濬溪之法論者紛紛或以小船拖沙或以水車滾  
泥或從溪心濬深溝通水或惑於填補形勢風水之  
說此皆工力浩繁無當於濬溪導川之法者夫水動  
物也沙亦動物也沙從山出流溢不窮隨開隨塞隨  
填隨滿非如塗泥之堅實不塌也豈能濬之使深而  
保永固無傾壞乎且濬溪爲長久計非爲一時計爲  
利民而非所以勞民必使用力少而成功多美利溥  
而趨事勤基鞏固而景增新斯可耳蓋溪流之淤泊

岸之濬土有沙則下必有泥宜酌其廣狹以松木作  
杙檻以竹片爲籬條填築兩旁障禦流沙使不墾陷  
松木入水千年不朽者也籬條高可六七尺圍可五  
六尺實以土石沙泥亦久能堅固者也然後將水中  
之沙搬運籬條所築之內岸分兩旁沙實其閒不致  
淤流而中閒之港可清而深矣大約東堤長可四百  
餘丈西堤宜倍其數而餘之堤雖延亘而沙可隨地  
取一挑之沙所挖起之處方一尺而所填補之處亦  
得方一尺挑運至近用錢一貫而千挑可舉民勤而

不至無所所謂肘力少而成功多者此也且如窰頭  
窰窰等處防海之澳居民每填築作陶瓦之場樟梓  
林檎寮尾等處有易牛之墟市至如沈湖一帶沙所  
堆掩者原皆耕種黍稷地瓜之瘠薄園地又如雙溪  
口商人亦編籬作園聚積米貨磚瓦以爲貿易之區  
誠使募得隨地之民有好義者出自填補地場或作  
工商買賣之墟市不墮不征而民有得地之利則官  
之築半而民之築亦半供公之工力得以餬口而供  
私之經營用以謀生人焉有不樂於赴公者哉所謂

美利溥而趨事勤者此也且既築矣松楹籩條之地

便可雜植楊柳芙蓉桃李蘆竹菅蒯之類此草木之

性皆臨水而易於發生者他日根所盤結岸亦孔固

而水由兩崖之間自不至潰冒衝突窪凹之虞春夏

之交渾如武陵佳勝矣所謂基鞏固而景增新者此

也昔秦鄭國氏鑿涇水自山中西抵夷口爲渠以溉

禾田漢蜀守李冰鑿離堆山辟暴水之害穿二江以

灌成都渠可舟行亦用灌溉民享其利明帝時王景

治汴渠鑿山開澗疏決壅塞水之流通順其勢之所

可爲策其力之所易舉而大利胥興大害胥除地享  
其殷饒民賴其衣食賢長吏之父母蒼黎而不惜其  
勤瘁者自古在昔先民有作也又豈必劈華山與首  
陽而兩之而後河流可通也哉抑又有說焉水以別  
民性故山高而水深其地多秀杰之士管子曰齊之  
水躁而復故其民貪粗而好勇楚之水淖弱而清故  
其民輕果而賊秦之水泔最而稽淤滯而雜故其民  
貪戾而好事同號銀邑人民富庶文物萃興而今之  
所以異乎昔者毋亦有故歟易曰山澤通氣夫山川

者氣之通也今有茲濬導之舉行見銅魚可會朱紫  
門高溪流潮汐之往來浪漿風帆之上下頌花縣之  
勝而成海濱鄒魯之風者不胥藉乎此哉

同邑海防論

國朝 莊光前

同爲海濱之區其形勢居要衝者有三由內港石滄  
而南爲嘉禾嶼今所謂廈門是也稍東爲浯洲嶼今  
所謂金門是也其閒列島碁布星羅在廈屬者則有  
寶珠嶼鼓浪嶼離浦嶼薛浦嶼在金屬者則有大嶼  
嶼與小嶼夾嶼白嶼皆前後倚伏左右犄角易爲



匿匪藏奸之所俱宜設備他若高浦馬鑾高崎潯尾  
五通澳頭劉五店等處亦渡口譏察之要道也沿流  
而東則大小擔二嶼大擔而外則爲浯嶼據海疆扼  
要北連二浙南按百粵東望澎湖臺灣外通九夷八  
蠻風潮之所出入商舶之所往來非重兵以鎮之不  
可大抵金廈兩島爲同邑之襟喉而大小擔浯嶼又  
兩島之襟喉也自 國初海氛以後漸次除治烽煙  
水靖昇平迄今幾於百年又蒙 國家保護之恩固  
已人服其德而畏其威永無萑苻竊發矣然而汪洋

之中往往嘯聚三五爲商船患者豈防禦之未盡善哉蓋防之之道自古難也夫海浮天浴日浩乎不知其幾千萬里奸惡爲祟來若鷺集去若風馳則偵探難也又鼓柁海中水邇慣習烏合而聚免脫而散人莫尋其踪則撲滅難也且奸惡之徒無室家之累憑島嶼以爲穴窟乘風波以恣出沒則窮治匪黨難也因其難而防之果何道之從歟計以爲防哨得人保守得地先固其襟喉然後可安其心腹兩島非無哨船往來巡察也然盜衆不自顧其死而船兵各自愛

其生名曰巡察實則以不遇賊艘爲幸猝而遇之有  
揚帆而遁已耳是以哨船奉行故事只依近港而止  
而海上商旅棄而不顧斯可謂防哨之得人歟廈門  
各處汛防不一城寨繕修有加無已無庸借箸已而  
金門舊城在原先金門所高聳臨江目極東南爲備海  
要地平臺而後以城稍圯移駐總鎮署於後浦夫兵  
以衛民居金門則一望瞭然賊艘不敢逼境今叢雜  
甲中未免有巡哨不及之患斯可謂保守之得地歟  
又如浯嶼孤懸海中抗扼海邊南境實爲捍蔽金門

之衝先是設兵以守明成化間移置廈門沿失至今  
議者因有舍門庭守幃幕之喻夫王公設險以守其  
國兵不居要猶之無兵若襟喉不固而心腹能安又  
未見其有濟也惟是度其地利酌其可否宜移者移  
宜築者築宜修者修先據襟喉之要然後各島設防  
畫地分守彼此會哨絡繹使廈之兵可會於金金之  
兵可會於大小擔浯嶼各戍旣使賊無出入之路而  
且嚴其勾引斷其嚮導勤者有爵賞怠者有誅罰將  
帥嚴于下令士卒樂于爭先則金湯永賴矣

序

官書序

宋 朱 熹

同安縣故有官書一匱無籍記文書官吏傳以相承  
不復訾省至某始發視則皆故敝殘脫無復次第獨  
視其終篇皆有識焉者曰宣德郎守祕書丞知縣林  
姓而名亡矣按縣治壁記及故廟學記林君名瀆字  
道源以治平四年爲是縣明年熙寧初元始新廟學  
聚圖書是歲戊申距今紹興二十五年乙亥纔八十  
有八年不幸遭官師之懈弛更水火盜賊之餘其散

滅而僅存者止是耳而使之與塵埃蟲鼠共蔽於故箱敗篋之間以至于泯泯無餘而後已其亦不仁也哉因爲之料簡其可讀者凡得六種一百九十一卷又下書募民間得故藏去者復二種三十六卷更爲裝裹爲卷五十有三著籍記而善藏之如故加嚴焉且具刻其卷目次第闕其所亡者揭之使此縣之人於林君之德尚有攷也而某所聚書因亦附見其後云

同安官書後序

朱熹

紹興二十有五年春正月熹以檄書白事大都督府  
廷中已事而言於連帥方公曰熹爲吏同安得兼治  
其學事學有師生誦說而經籍弗具學者四來無所  
業於其閒願得帥府所有書以歸使學者得肄習焉  
公幸哀其愚不以爲不可卽日減省少府用度金錢  
屬工官撫以予縣凡九百八十五卷熹與諸生旣受  
賜則相與羣議所以斂藏守視出內涼暴之禁戒以  
復於公皆報施如意熹竊惟公之舉是賜也蓋將以  
幸教此縣之人而非私於熹之請熹乃幸得以菲薄

奉承懼不能稱且無以垂示久遠故敢具刻公所出  
教而并敘其指意如此揭之以示縣之父兄子弟與  
學官弟子之有秩於典領者使承公志永永不怠此  
某之職事也夏四月丁丑具位謹記

裨正書序

宋 朱 熹

裨正書三卷唐陳昌晦撰凡四十九篇其所校定繕  
寫初某被府檄訪境內先賢碑碣事傳悉上之府最  
後得此書及墓表於其家表文猥近不足觀然述其  
世次爲詳書雜晚唐偶儷之體而時出奇澀殆難以



句讀也相傳浸久又多僞謬無善本可以參校特以  
意私定其一二而其不可知者蓋闕焉觀其潔身於  
江海上不污世之垢紛次輯舊聞以爲此書雖非有  
險奇放絕之行瓌怪偉麗之文然其微辭感厲時有  
發明理義之致而切於名教者亦可謂守正循理不  
惑之士矣操行之難而姓名曾不少概見於世亦足  
悲夫詩之序曰亂世則思君子不改其度若昌瞻者  
可謂近之某因校其書而爲序其意如此後有君子

周禮全書序

宋 邱 葵

周禮一書周公爲天地立心爲生民立命爲萬世開  
太平之書也後世之君臣每病於難行也何居葉水  
心謂周禮晚出而劉歆遽行之大壞矣蘇綽又壞矣  
王安石又壞矣千四百年更三大壞此後若臣病於  
難行然則其終不可行乎善乎真西山之言曰有周  
公之心然後能行周禮無周公之心而行之則悖矣  
周公之心何心也堯舜禹湯文武之心也以是爲書  
故能爲天地立心爲生民立命爲萬世開太平也歆

也綽也安石也無周公之心而欲行之適所以壞之  
也有能洗滌三壞之腥穢而一以性命道德起天下  
之公也則是書無不可行矣鄭賈諸儒析名物辨制  
度不爲無功而聖賢微旨終莫之睹惟洛之程氏關  
中之張氏新安之朱氏其所論說不過數條獨得聖  
經精微之蘊蓋程張朱氏之學心學也故能得周公  
之心而是書實賴以明矣今國朝新制以六經取士  
乃置周官於不用使天下之士習周禮者皆棄而習  
他經毋乃以冬官之缺爲不全書耶夫冬官未嘗缺

也籍出於五官之中漢儒考古不深遂以考工記補之至我宋淳熙閒臨川俞庭檜始著復古篇新安朱氏一見以爲冬官不亡考索甚當鄭賈以來皆當斂衽退三舍也嘉熙閒東嘉王次默又作周官補遺由是周禮之六官始得爲全書矣葵承二先生討論之後加以參訂的知冬官錯見於五官中實未嘗亡而人平六典渾然無失欲刊之梓木以廣其傳是亦吾夫子存羊愛禮之意萬一有觀民風者轉而上達使此經得入取士之科而周公之心得暴白於天下後

世則是區區之願也同志之士則亦思所以贊襄之  
哉泰定甲子歲冬十一月朔後學清源鈞磯邱葵吉  
甫書時年八十有一

紫陽大同集序

明  
林希元

大同集者集朱子簿同時之文也舊版歲久壞爛加  
以字多訛誤余謂此先賢遺墨不可使片言隻字泯  
沒嘗攷晦翁全集朱子簿同時與門人許順之輩答  
問甚多舊集所收僅十之五六余謂此先賢至教不  
可使一言一句不傳乃取全集參校壞爛者新之訛

誤者正之遺缺者補之其去同之後與諸人翰墨往來者亦集焉從其類也其有異時論學論政及於同安者亦附焉明所自也舊八卷今增至十三卷由是見考亭之學與吾鄉先哲之學焉按朱子年譜於紹興十八年戊辰登進士第二十二年授同安簿二十三年蒞任是時年方二十有四尙在志學之日然其所爲文字已如老成人其教人無非格言至論其與諸生辨疑解惑皆有以發前聖之微旨足爲後學之印正雖其晚年所就會不能大有加於舊庸是見考

亭之學其得於天者夙異諸人謂非生而知之不可也許順之王近思柯國材三先生皆吾鄉之先哲受學考亭朱子稱順之天資恬淡無物欲之累然平生學力則無所考近思國材則并其天資而遺之今觀三先生之疑之問不待登拜三公聽其謦欬其天資其學力其造詣已可想像於疑問之間小子後生得以考德而論業孰謂此集無補於先哲與我後人哉書成欲刻之久縣官例拘末文未有遇者學諭拙修李先生每聞予言輒共歎息甲辰春先生適署邑事

予復啓之先生歡然曰吾事也召工刻之未幾而少  
尹萬侯令尹郭侯先後至更代靡常事遂中輟居無  
何憲使見齋利公行部至觀風弔古延訪考亭之踪  
予因告之公乃自以爲功萬侯承之工始告成拙修  
曰此書之成可謂有功於前賢後學矣此書之刻先  
生之心良亦苦矣弗可無志余乃序次校編翻刻之  
故冠於編端庸以俟之君子

觀海堂平平編序

明 蔡復一

取平於水而言天下之至奇者莫海若海也風立之



而山雲取之而市異物都之而光怪奇矣而吾所奇者不存焉鍾美疏惡族鱗介行舟楫成五鹽力之強以浮地氣之微以平火以信日月以作雷雨吾所謂奇也乃水之所謂大平也平水德也德以有當用以用而不窮奇不窮則大大則化其山其市其光怪者化之餘也化不可知而可知者從能爲水始涪潦之待涸也未能爲水也故學海而不至有水於此躍而聲曰吾厭爲水而且必爲海其果能海乎聖言海也以水觀海其瀾不遠今之驚奇者離水而欲爲海者

也吾友允坤林君獨行其博士言曰平平編讀君之  
文指傳於理之所必挾而舌導其中之所欲鳴其機  
拓若有餘而於巧常嗇而有不致盡獨繭抽絲而無  
雜緒彈丸脫手而無滯勢此不厭爲水而能爲水者  
也則惡知無奇之非大奇歟允坤今令浮梁古之令  
者精神用於阡陌亭障桑麻樹畜政蓋平平而史以  
循吏著循吏之濟民大矣察吏之智疑鬼健吏之惑  
疑帝毛舉鷙擊無當而易窮君子弗奇也夫大平之  
奇文與政皆然非淨心弗止非精心弗行水清而形

同安縣志 卷之二十八  
三  
物者也允坤以之航浮梁而海乎天下不疑矣允坤  
讀書之堂曰觀海而吾與之言海余與允坤皆海上  
人也

改建同民安坊爲關勸捐序

林應龍

蓋聞精華融結人傑必藉夫地靈罅漏補苴天巧還  
資乎物力同邑三秀峙後雙溪匯前鴻漸雄於東南  
蓮華秀於西北固已極山川之勝槩壯疆域之巨觀  
矣惟是小盈嶺畔闕其一隅迨至朱子簿同遂手書

同民安三字建坊以障之銀鉤鐵畫彷彿蘭亭快劍

交柯摩挲石鼓維時人文蔚起咸叨過化之新并邑  
平康盡識貽謀之遠惟華頌兼之善禱故宜民且復  
宜人其驗聿昭厥功匪淺不謂漂搖風雨忽折銅盤  
埋沒荆榛幾遷愚叟爰來鬪蟻難求百室之寧時見  
吞牛輒逞匹夫之勇先民不作誰爲匡救斯灾前事  
可師何不彌縫其闕龍等志切綢繆思殷脩復已將  
脩建情由呈請邑尊蒙准議捐定期舉造謹告里人  
務期同志願慷慨以從事勿吝一毛當踴躍以赴公  
俾成千腋漫云填海敢辭精衛之勞共樂補天早踵

文廟志 卷之二十一  
三  
媯皇之績將見苞桑盤石年年保我黎民通德鳴河  
戶戶增其餘慶矣是爲序時乾隆戊子端月也

興脩學宮疏清城濠銅魚池勸捐序

劉永公

丙辰秋涖任同安旣受事卽恭謁

先師廟默亞

已漫患矣巡城濠翼然鼎新者爲西北朝元門則邑  
紳高以彰依前志改建者也周視河隍頗多湮塞以  
爲此猶脩舉缺事未幾而紳士以 文廟損壞請捐

有兼疏城濠清銅魚之地且日 文廟之重建三十

年於茲矣棟宇爲蟻蝕勢將傾圮及今弗圖後恐彌  
難爲力若銅魚之通塞則又人文興衰所繫自前聞  
隆萬閒李邑侯清出得石魚三石珠一建亭臨之扁  
曰觀化是秋鄉闈雋者十八其後通塞不一每加清  
理輒有殊常科名云予心韙其請曰此義舉又皆關  
文教事也科名何足道予之所望又有進焉者夫同  
爲紫陽朱子過化之地文教故彬彬蔚前志所紀理學  
勲業彪炳人寰者非一也月異歲遷邇來俗乃頗習  
獷悍是非廣興文教無以馴而化之諸人士成茲義

舉由是而文教大行士之誦習先聖者進有以拜  
獻大廷而退能各以其德薰陶鄉黨翼成雅化俾  
濱海鄒魯共涵濡於詩書禮樂之澤不其休歟既已  
諾所請爲之倡以勸捐者因并書其所望於是與者  
爲邑之人士勗焉

碑文

白礁慈濟祖宮碑

宋莊夏

天下郡邑必有英祠表著方望納民瞻依然威德  
遠不過一二州近不越境其烈以靈而顯者比

比皆然是惟忠顯英惠侯宅於漳泉之界自紹興辛未距今垂七十年不但是邦家有其像而北逮莆陽長樂劔津南被汀潮以至一二廣舉知尊事蓋必有昭晰於冥漠之閒而不可致詰者矣按侯姓吳名本生于太平興國四年不茹葷不受室嘗業醫以全活人爲心按病投藥如矢破的或吸氣噓水以飲病者雖沈痼奇怪叵曉之狀亦就痊愈是以癘者瘍者癰疽者扶兒攜持無日不旁午其門侯無貴賤悉爲眎療人人皆獲所欲去而遠近咸以爲神景祐六年卒于



家聞者追悼感泣爭肖像而敬事之屬虔寇猖獗居  
民魚驚鳥竄朝暮不相保率請命於侯未幾賊酋喪  
死民獲奠居於是相與德侯之賜思所以揭虔妥靈  
歲在辛未肇創祠于是精爽振發民懽趨之水旱疾  
疫一有款謁如谷受響時梁鄭公當國知其事爲詳  
適部使者以廟額爲請於是有慈濟之命越慶元乙  
卯又爲忠顯侯之命開禧三年春夏之交亢陽爲沴  
鄰境赤地連數百里獨此邦隨禱輒雨歲乃大熟會  
旱竊跳梁浸淫至境上忽有忠顯侯旗幟之異遂沟

懼不敢入一方賴以安全邑人又以其績轉聞于朝  
於是有英惠侯之命先是邑人欲增故居之祠而窘  
於財一夕有靈泉湧堦下甘冽異常飲者宿患冰釋  
自是求者益衆百役賴以具舉不數月而成門敞皇  
皇堂崇轡轡修廊廣廡是赫是稱旣訖事鄉之秀民  
黃炎貽書屬夏以記夏嘗見今樞密曾公言幼年苦  
風頭瘍頭幾禿就侯醫輒愈嘉定九年丙子歲右股  
赤腫大如脰惟禱於侯不事刀匕之劑未幾日而平  
復因念疇昔雙瞳幼翳積久浸劇百藥俱試如水投

石自分已爲廢人適有良醫自言能游針於五輪閒  
小有差舛如觸琉璃而倒沆漚人皆危之賴侯之靈  
以迄濟乃今漸還舊明列屬東儲明發執經橫展側  
讀粗免敗缺荷侯之休何有終窮故喜書其事且繫  
以辭俾鄉人歌而祀之辭曰

相紫帽兮大麓僚英祠兮轟轟雕牖兮紺閭鏤楹兮  
炳煜管蕭炳兮飭五音椒蘭郁兮震澹心飛龍駕兮  
祠雲舞侯安畱兮慶陰陽留流行兮訴無所侯有靈  
兮與天語語咨潦兮開雲霧望雲霓兮澤如注眠嬰

疾兮砭劑莫施禱於侯兮旋武而治扶杖款謁分道  
路纍纍侯之濟物兮利害不貲靈胥搖兮朝天車鞿  
騶兮馬翩翩鏐鏐鳴兮爲輔澤區宇兮何千萬年

重建蘇丞相祠堂碑

明 劉定之

所尚於君子其大端四者焉言有章也行有則也孝  
於家也忠於國也然而文章非特榮於見用以不輕  
其用爲榮行己非特求於合時以能合於賢爲美子  
官繼父非孝也德業足顯揚斯謂之孝相位承主非  
忠也進退關盛衰斯謂之忠稽之近古若宋同安蘇

公有之公名頌字子容當王安石執政欲擢儉黨李  
定公掌外制堅不肯攜辭卒就貶謫可謂文見用而  
不輕用焉旣以是忤王而繼王操柄能致士霄漢者  
呂惠卿使來告曰公吾鄉丈苟能從吾言便可同升  
公笑而不答平生合志者廬陵永叔嘗爲寮曰公處  
事精審吾可不復省闕肴山子瞻嘗爲寮曰見公文  
德殿爲三舍人之冠陪公邇英殿爲五學士之首雖  
陵厲高躅不敢言同而出處大節無甚相異可謂時  
不合而合於賢焉公之先君紳遶迹玉堂而公踵武

然公尤操行潔特學問該博蓋頹之獻替踰於其父  
瓌軾之波瀾宏於其父洵蘇有宗風子光乃考公豈  
不爲孝乎公拜相以元祐壬申夏其罷以明歲癸酉  
春踰年而紹聖紀元新法復用羣奸起衆正仆然則  
公進焉匡朝寧邦退焉先幾知止公豈不謂忠乎凡  
是四者公皆有之可謂君子也昔者紫陽朱文公簿  
同安嘗飭公祠廢不復存予見公邑士族裔每問其  
遺跡莫能知爲之歎息今其邑貳令永新劉珣器謀  
欲重構之珣器由賢良舉明練政務旣修文公舊所

居高士軒乃及茲良可嘉也予爲之記而繫以楚辭  
使供祠香火者歌以祀公其辭曰

公昔存兮抱義懷仁攄才華兮邁昌辰居薇垣兮躡  
蓬島燦辭命兮星羅蒼旻淹振兮隨時泉屈兮雲升  
蟬貂冠兮降龍衣入侍丹宸兮出蔽黃扉萬錢廚兮  
百炬火城匪爲侈兮期吾道之可行忽齟齬歸去林  
巒優游兮歲云莫完璧無玷珠藏泥兮匪汚神遊太  
清兮祠故里奕世雲仍兮企慕豈苗裔兮獨敬恭儀  
士林兮近遠清風奠桂醪兮蘭羞鼓統統兮笙幽幽

公來格兮以享庶有興兮後修

嘉靖癸巳重建蘇魏公祠碑

蘇信

宋太師魏國公頌登慶歷進士初知江寧有神明譽  
爲熙寧諫官封還辭頭與宋次道輩聯肩落職時稱  
三舍人在元豐講筵日進唐書主臣故事十餘條迨  
及元祐入相哲宗反覆弭兵息民議手實告捕非先  
帝意銓陞功過引合條格無漏落則以相業聞顧平  
時不通呂吉甫鄉里私召神考亟以直道稱之其大  
節凜立又若此公旣歿而紫陽朱夫子治同安卽邑



學建祠宇記稱公能爲士君子所難能嘗以公所爲  
訊其鄉人且怪泉人往往喜談會宣靖蔡新州呂太  
尉事以爲盛者深爲不然觀此則公以正直冠泉南  
而祠之遄復于百世也宜哉嘉靖癸巳信奉命巡察  
于閩歷泉銀同儒官蘇子潤持譜來言曰先太師潤  
顯祖也名在宋紀祠若像在葫蘆山下旣已蕪沒移  
主邑庠肩于厥父禮若不以序請更之予按譜蘇出  
光州固始自祖益入閩刺漳家泉一傳將軍光誨再  
傳知州仲昌二傳學士紳實生公晚以不附呂黨引

去徙潤州葬丹陽其族蔓于閩粵信潮產也何敢謬  
尾名德以媿狄青第以宗賢在望仰止高山當與海  
內共之亟謀郡推桐鄉譚君鎧君明爽而練於事毅  
然爲己任遂捐俸而改剏之三旬役就像設其中俾  
縣官率其族家子世世祀焉予嘉譚君之義思表先  
烈以貽來者乃述史蹟而銘之銘曰蘇自固始遷於  
泉里光徽旁礪丞相攸啓慶元登瀛顯于熙寧失其  
神譽震臣直聲推刃血邪時稱三聖駁封詔麻於恤  
宋社左史有誦轉對元豐漢唐故事日沃四聰迨相

聖哲百寮敘職過密邊功深詆手實鄉里丈人不謁  
呂門神考亟稱直道自存太子太師歷事四主親則  
無黨疏亦不忤正道屹立萬仞絕壁祠于百世圯廢  
遡輯紫陽文公表記推崇恥談會蔡彼然下風曰予  
膺命爰來褒評尾附名德敢媿狄青親賢在廟永薦  
不禋式于邦人景行迢迢

文

奉安蘇公祠告先聖文

宋朱熹

故相蘇公頌同安人也其道學淵深履行純固天下

學士大夫之所宗仰而邑子後生聞見單淺弗克究  
知某甚閔焉用告有司請卽學宮歲時奉祀以建遺  
烈使學者有所興起今已畢事將安厥靈敢以舍菜  
之禮告於先聖先師之神謹告

行鄉飲告先聖文

朱熹

一昨朝廷舉行鄉飲酒之禮而縣之有司奉行不謹  
容節謬亂儀矩闕疎甚不足以稱明天子舉遺興禮  
之意今者賓興有日某謹與諸生考協禮文推闡聖  
制周旋揖遜一如舊章卽事之初敢以舍菜之禮謹

同安縣志  
卷之二十一  
四  
修虔告

屏斥弟子員告先聖文

朱熹

某不肖昨以布衣諸生推擇爲此縣吏而得參聽其學事而能行寡薄治教不孚所領弟子員有卓雄者林軒者乃爲淫污之行以恩有司某竊自惟身不行道無以淬礪其人使至於此又不能早正刑辟以彈治之則是德刑兩弛而士之不率者終無禁也是敢告於先聖先師請正學則恥以明刑大扑作教刑而一物以收其威固先聖先師學校之政所以遺後世

法也惟先聖先師臨之在上某敢不再拜稽首

奉安蘇公祠文

朱熹

泉人衣冠之盛自國初以至於今其閒顯人或至公  
卿者多矣然而始終大節可考而知則未有若公之  
盛者也惟公著節於熙寧登庸於元祐而幅巾謝事  
偃仰婆娑於紹聖元符之閒然則公之所自任於進  
退出處之閒者可謂無所苟矣蓋將以比古之所謂  
大臣者豈獨泉人數公而已哉今以邑人之意祠公  
于學卽事之始敢布其衷尚饗

五

奉安蘇公畫像祭文

朱熹

惟公始終一節出入五朝高風聳乎士林盛烈銘于  
勳府矧茲故邑實仰餘光悵親炙之無從冀瞻依之  
有地是用肖德儀于廟院建遺烈于學宮營表方將  
儀圖辛至式瞻精宇爰寓神棲旣協吉於靈辰敢式  
陳于菲薦尚饗

祭許鍾斗太史文

明 蔡復一

歲之辛丑余郎在京君方獻賦平陰先鳴霧深澤豹  
風厚起鵬振衣而喜壯我南溟青燈綠酒共敘平生

余眈邁軸君直蓬瀛西風荷芰秋露金莖題書相問  
空月盈盈旋困家難廢蓼涕零萬里歸賻惜逝閱紘  
未幾何時君亦南征觀濤枚叔消渴長卿閒一過從  
倒屣逢迎情崖孤拔辯濤縱橫眎其骨立峯削峻嶒  
察其神王隼擊蒼冥塵尾所揮千秋絃誦謂可小損  
行當漸平譚猶捫蝨夢忽騎鯨七發無功二豎見陵  
雲迷梁苑日落茂陵嗚呼哀哉方君首舉士未知名  
旣出所業滿坐盡驚羣英失色萬籟收聲銀河垂波  
風馭泠泠雲屋天構匠者奚營王唐與瞿我揭前旌



皆以鉅魁主藝林盟而此超乘實惟代興云胡文章  
而命是憎年不及強定不待成堂老椿萱原悲鶴鴿  
別鶴雛鳥何以爲情虛室聞蜩疎幔依螢嗚呼哀哉  
君之意氣雄與文并當其必往莫我敢乘至有不可  
斷斷引繩閻浮何隘須彌可傾謬收余狂稍許抗衡  
同里于島同開于城相杵尚輟矧在戚朋接訃匍匐  
怛焉中忤朝榮夕悴感此霑纓修短同盡好醜誰憑  
高山大川永藏精靈筆花不死散爲列星壘塊難澆  
激爲風霆總幃雖冷汗簡自馨悠悠世態弔客青蠅

廈門祭江文

國朝施琅

欽惟尊神總納百川包括萬匯天地著象鉅靈攸宰  
祇奉 皇威伐彼有罪利濟安瀾丕赫軍壘翳彼徂  
征發江之瀕順茲長道舳艫星陳霞明組練戈甲憐  
洵揚旌海外 天討克伸乃奮厥武闢如虓虎除殘  
去暴逆勦順撫誓禁妄殺整軍束伍焚香籲天百神  
是主肆靖醜孽是用勦絕擒渠獻馘蕩巢掃穴川靜  
波恬貺賴靈哲虔申薦告孔惠懌悅謹告

同安縣志卷之二十八終